

სს „საქართველოს ნავთობისა და გაზის კორპორაცია“ (სნგკ)



სატენდერო დოკუმენტაცია

აღმოსავლეთ - დასავლეთის მაგისტრალური გაზსადენის ქობულეთის (500მმ) 45კმ-იანი
განშტოების სამშენებლო სამუშაოების სახელმწიფო შესყიდვა

CPV 45231220

1. შესყიდვის ობიექტი

1.1 აღმოსავლეთ - დასავლეთის მაგისტრალური გაზსადენის ქობულეთის (500მმ) 45კმ-იანი განშტოების სამშენებლო სამუშაოების (შემდგომში - სამუშაო) სახელმწიფო შესყიდვა, დანართი №2-ის (საპროექტო დოკუმენტაცია) შესაბამისად.

2. პრეტენდენტის საკვალიფიკაციო მონაცემების დამადასტურებელი დოკუმენტ(ებ)ი

2.1. შემსყიდველის მიერ ერთიან ელექტრონულ სისტემაში აქტირებული წერილობითი მოთხოვნის საფუძველზე, პრეტენდენტი ვალდებულია უზრუნველყოს საკვალიფიკაციო მონაცემების დამადასტურებელი შემდეგი დოკუმენტაციის წარმოდგენა:

2.1.1. ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან, რომელიც ადასტურებს, რომ პრეტენდენტის მიმართ არ მიმდინარეობს ლიკვიდაციის/რეორგანიზაციის/გადახდისუნარიობის პროცესი;

2.1.2. ცნობა შესაბამისი უფლებამოსილი ორგანოდან პრეტენდენტის ქონებაზე საჯარო სამართლებრივი შეზღუდვის არარსებობის შესახებ;

2.1.3. ცნობა შესაბამისი უფლებამოსილი ორგანოდან სახელმწიფო ბიუჯეტის წინაშე დავალიანების არარსებობის შესახებ.

შენიშვნა:

- ამხანაგობის შემთხვევაში, 2.1.3. პუნქტით განსაზღვრული დოკუმენტაცია წარმოდგენილი უნდა იყოს როგორც ამხანაგობის, აგრეთვე მისი მონაწილეების შესახებ, ხოლო 2.1.1. და 2.1.2. პუნქტებით განსაზღვრული დოკუმენტაცია წარმოდგენილი უნდა იყოს მხოლოდ ამხანაგობის მონაწილეების შესახებ;

- არარეზიდენტმა პირებმა უნდა წარმოადგინონ თავიანთი ქვეყნის უფლებამოსილი ორგანო(ებ)ის მიერ გაცემული საკვალიფიკაციო მონაცემების დამადასტურებელი დოკუმენტ(ებ)ი, რომლებიც უნდა პასუხობდეს 2.1.1, 2.1.2 და 2.1.3 პუნქტებით მოთხოვნილი დოკუმენტების შინაარსს. წარმოდგენილი დოკუმენტ(ებ)ს თან უნდა დაერთოს ნოტარიალურად დამოწმებული თარგმანი ქართულ ენაზე;

- აღნიშნული დოკუმენტები გაცემული უნდა იყოს წინამდებარე ელექტრონული ტენდერის წინადადების მიღების დაწყების თარიღის შემდეგ; არარეზიდენტი პრეტენდენტ(ებ)ისათვის დასაშვებია წინადადების მიღების დაწყების თარიღამდე არაუგვიანეს 30 დღის ვადაში გაცემული საკვალიფიკაციო მონაცემების დამადასტურებელი დოკუმენტები;

- საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე დოკუმენტების წარმოდგენის შემთხვევაში, სატენდერო კომისია მოახდენს პრეტენდენტის დისკვალიფიკაციას.

3. სამუშაოს შესრულების პირობები, ვადა და ადგილი

3.1. მიმწოდებელმა უნდა უზრუნველყოს სამუშაოს სრულად შესრულება ხელშეკრულების გაფორმებიდან 610 (ექვსასათი) კალენდარული დღის ვადაში; ამასთან, დახრილ-მიმართული ბურღვის მეთოდით მდინარე რიონზე მიწისქვეშა გადასასვლელის მოწყობის სამშენებლო სამუშაოები უნდა დასრულდეს ხელშეკრულების გაფორმებიდან არაუგვიანეს 244 (ორასორმოცდაოთხი) კალენდარული დღის ვადაში;

3.2. მიმწოდებელი ვალდებულია ხელშეკრულების გაფორმების შემდეგ, შემსყიდველს შესათანხმებლად წარუდგინოს მშენებლობის ორგანიზების გეგმა;

3.3. წინამდებარე მშენებლობის პროექტის განხორციელების ნებართვის აღებას უზრუნველყოფს შემსყიდველი. შემსყიდველი იღებს ვალდებულებას მშენებლობის ნებართვა მიმწოდებელს გადასცეს ხელშეკრულების გაფორმებიდან 30 (ოცდაათი) კალენდარული დღის ვადაში. იმ შემთხვევაში, თუ შემსყიდველის მიერ აღნიშნულ ვადაში არ განხორციელდება მშენებლობის პროექტის განხორციელების ნებართვის გადაცემა, მიმწოდებელს ხელშეკრულებით გათვალისწინებული სამუშაოების შესრულების ვადა გადაეწევა შესაბამის დაგვიანებულ დღეთა პროპორციულად.

3.4. დახრილ-მიმართული ბურღვის მეთოდით მდინარე რიონზე მიწისქვეშა გადასასვლელის მშენებლობისათვის პრეტენდენტი უფლებამოსილია საჭიროების შემთხვევაში, წინამდებარე სატენდერო დოკუმენტაციით განსაზღვრული ჰიდროლოგიური და გეოლოგიური მონაცემების დაზუსტების ან/და სხვა აუცილებელი/საჭირო მონაცემების შეგროვების მიზნით, საკუთარი სახსრებით ჩაატაროს დამატებითი საინჟინრო-სადიეო კვლევები.

აღნიშნული კვლევების ჩატარების შემთხვევაში, შემსყიდველის მიერ არ იქნება გათვალისწინებული დამატებითი ვადები.

3.5 სამშენებლო სამუშაოების განხორციელების ადგილი: სატენდერო დოკუმენტაციის დანართით №2 (საპროექტო დოკუმენტაცია) განსაზღვრული ტერიტორია.

4. შესყიდვის ობიექტის სავარაუდო ღირებულება, პრეტენდენტის წინადადების ფასი და ანგარიშსწორების პირობები

4.1 შესყიდვის ობიექტის სავარაუდო ღირებულებაა 10 483 799 (ათი მილიონ ოთხასოთხმოცდასამი ათას შვიდასოთხმოცდაცხამეტი) ლარი დღგ-ს გარეშე;

4.2 შესყიდვების ერთიან ელექტრონულ სისტემაში (შემდგომში - სისტემა) წინადადების ფასი დაფიქსირებულ უნდა იყოს ეროვნულ ვალუტაში დღგ-ს გარეშე. საქართველოს კანონმდებლობით განსაზღვრული ყველა გადასახადის გათვალისწინებით, დღგ-ს გარდა;

4.3 წინადადების ფასად განიხილება სისტემის მეშვეობით შესყიდვის ელექტრონული ტენდერის შესაბამის ველში დაფიქსირებული ფასი;

4.4 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველის მიერ განსაზღვრულ გონივრულ ვადაში (არაუმეტეს 10 (ათი) სამუშაო დღისა), პრეტენდენტი ვალდებულია უზრუნველყოს ფასწარმოქმნის ადეკვატურობის დასაბუთება (პრეტენდენტის მიერ წარმოდგენილი უნდა იქნას სსიპ „ლევან სამხარაულის სახელობის ექსპერტიზის ეროვნული ბიუროს" ან სხვა აკრედიტირებული პირის მიერ გაცემული შესაბამისი დასკვნა (დასკვნასთან ერთად წარმოდგენილ უნდა იქნას დასკვნის გამცემი პირის აკრედიტაციის დამადასტურებელი დოკუმენტის ასლი), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

- იმ შემთხვევაში, თუ პრეტენდენტის მიერ არ იქნა წარმოდგენილი ან წარმოდგენილი დასაბუთება შემსყიდველის მიერ არ ჩაითვლება დამაკმაყოფილებლად, მოხდება პრეტენდენტის დისკვალიფიკაცია;

- პრეტენდენტის მიერ წარდგენილი ფასწარმოქმნის ადეკვატურობის დამადასტურებელი დოკუმენტაცია დაზუსტებას არ ექვემდებარება.

4.5 ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას;

4.6 შემსყიდველის მიერ ხელშეკრულების ღირებულებაში გათვალისწინებული იქნება წინადადების ფასის დღგ-ს შესაბამისი ოდენობა, თუ ხელშეკრულების დადების მომენტისათვის პრეტენდენტი არის დღგ-ს გადამხდელი საქართველოს კანონმდებლობის შესაბამისად (ხელშეკრულების გაფორმების შემდგომ, დღგ-ს თანხის დამატებით გათვალისწინება ხელშეკრულების ღირებულებაში არ განხორციელდება);

4.7 პრეტენდენტის მიერ მექანიკური შეცდომის დაშვების შემთხვევაში, როგორცაა არასწორი ჯამის ან ნამრავლის მითითება, სიტყვიერი და ციფრობრივი გამოსახულების შეუსაბამობა, შემსყიდველის მიერ ფასის განსაზღვრა შესაძლებელია ერთეულის ფასის უპირატესობის პრინციპის გათვალისწინებით. იმ შემთხვევაში, თუ აღნიშნული არ აღემატება სისტემის შესაბამის ველში დაფიქსირებულ ფასს;

4.8 გამარჯვებულ პრეტენდენტთან ხელშეკრულება გაფორმდება ლარში;

4.9 ხელშეკრულების გაფორმების შემდგომ, მიმწოდებელი ვალდებულია ყოველი თვის ბოლოს წარუდგენოს შემსყიდველს დეტალური ინფორმაცია შესრულებული სამუშაოების შესახებ (4.9.1 პუნქტის გათვალისწინებით), მათ შორის შესრულებული სამუშაოების დეტალური მოცულობათა ცხრილი (ხარჯთაღრიცხვა; ფორმა №2) და გასაფორმებელი მიღება-ჩაბარების აქტის პროექტი. მიღება-ჩაბარების აქტის ხელმოწერა, შემსყიდველის მხრიდან შენიშვნების არ არსებობის შემთხვევაში, უნდა განხორციელდეს აქტის წარდგენიდან 10 (ათი) სამუშაო დღის განმავლობაში, ხოლო შენიშვნების არსებობის შემთხვევაში, მიმწოდებელს წერილობით უნდა გაეგზავნოს შეტყობინება აქტის წარდგენიდან 10 (ათი) სამუშაო დღის განმავლობაში, წინააღმდეგ შემთხვევაში სამუშაოები შემსყიდველის მიერ ჩაითვლება მიღებულად.

4.9.1 დახრილ-მიმართული ბურღვის მეთოდით მიწისქვეშა გადასასვლელის მოწყობის და მასთან დაკავშირებული სამუშაოების ეტაპობრივი მიღება/ანგარიშსწორება არ განხორციელდება. აღნიშნული სამუშაოები დასრულებულად ჩაითვლება და შესაბამისი მიღება-ჩაბარების აქტი გაფორმდება გადასასვლელის მშენებლობის სამუშაოების სრულად დასრულებისა და პროცედურის დაცვით ჩატარებული ჰიდროტესტირებისა და საკალიბრაციო ფირფიტის გატარების დადებითი შედეგების საფუძველზე.

4.10. მიღება-ჩაბარების აქტს ხელს აწერენ შემსყიდველისა და მიმწოდებლის შესაბამისი უფლებამოსილი პირები. შემსყიდველის მხრიდან მიღება-ჩაბარების აქტზე ხელმოწერა განხორციელდება ინსპექტირების ჯგუფის დასკვნის საფუძველზე.

4.11. მიმწოდებლის მიერ გაწეული სამუშაოს (მისი ნაწილის) მიღებისას და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

4.12. შემსყიდველი მიმწოდებელს შესრულებული სამუშაოების ღირებულებას აუნაზღაურებს უნაღდო ანგარიშსწორების გზით, მიმწოდებლის მიერ შემსყიდველისათვის შესრულებული სამუშაოების დეტალური მოცულობათა ცხრილის (ხარჯთაღრიცხვა, ფორმა #2), მიღება-ჩაბარების აქტის და ანგარიშ-ფაქტურის (ინვოისი) წარდგენიდან და მითითებული დოკუმენტაციის შემსყიდველის მიერ დადასტურებიდან არაუადრეს 8 (რვა) და არაუგვიანეს 10 (ათი) სამუშაო დღის ვადაში.

4.13. მიმწოდებლის მოთხოვნის შესაბამისად, წინასწარი ანგარიშსწორება შესაძლებელია განხორციელდეს შემდეგი ფორმით: შემსყიდველის მიერ მოხდება მთლიანი სახელშეკრულებო ღირებულების არაუმეტეს 20%-ის წინასწარ (ავანსი) გადარიცხვა მიმწოდებლის მიერ წარმოდგენილი საავანსოდ გადასარიცხი თანხის იდენტური ოდენობის საბანკო დაწესებულების მიერ გაცემული უპირობო და გამოუთხოვადი საბანკო გარანტიის საფუძველზე. გარანტიის გამცემ ბანკს უნდა ჰქონდეს მინიმუმ “B+ რეიტინგი “Fitch Rating”-ის შესაბამისად ან სხვა საერთაშორისო სარეიტინგო სააგენტოს მიერ მინიჭებული ექვივალენტური რეიტინგი. საბანკო გარანტიაში ბენეფიციარად მითითებულ უნდა იყოს სს „საქართველოს ნავთობისა და გაზის კორპორაცია“. აღნიშნული საბანკო გარანტიის მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს ხელშეკრულებით გათვალისწინებული სამუშაოების შესრულების საბოლოო ვადას (საბანკო გარანტია წარმოდგენილ უნდა იქნას დანართი №7-ის (საავანსო გადახდის საგარანტიო უზრუნველყოფა/ნიმუში) არსებითი პირობების დაცვით.

4.14. მიმწოდებელთან ანგარიშსწორებისას, გადახდილი საავანსო თანხის მთლიანი მოცულობით გაქვითვამდე, მიმწოდებლისათვის გადასახდელი თანხიდან შემსყიდველი გამოქვითავს ინვოისში (ანგარიშ-ფაქტურაში) მითითებული თანხის 25%-ს (ოცდახუთი პროცენტი). მას შემდეგ, რაც აღწერილი მეთოდით სრული მოცულობით გაიქვითება მიმწოდებლისათვის გადახდილი ავანსი, შემსყიდველი სრულად აანაზღაურებს შესრულებული სამუშაოებისათვის ინვოისში მითითებულ თანხას.

5. ხელშეკრულების უზრუნველყოფის საბანკო გარანტია

5.1 გამარჯვებულად გამოვლენის შემთხვევაში, თუ ხელშეკრულების საერთო ღირებულება შეადგენს ან აღემატება 200 000 ლარს (დღგ-ს ჩათვლით), ტენდერში გამარჯვებულმა მიმწოდებელმა ხელშეკრულების შესრულების უზრუნველყოფის მიზნით უნდა წარმოადგინოს საბანკო დაწესებულების მიერ გაცემული ხელშეკრულების უზრუნველყოფის უპირობო და გამოუთხოვადი საბანკო გარანტია, სახელშეკრულებო ღირებულების 5%-ის ოდენობით. აღნიშნული საბანკო გარანტიის მოქმედების ვადა მინიმუმ 13 თვით უნდა აღემატებოდეს ხელშეკრულებით განსაზღვრული სამუშაოს შესრულების ვადას. წარმოდგენილ უნდა იქნას საქართველოში მოქმედი კომერციული ბანკის მიერ გაცემული საბანკო გარანტია, ხოლო იმ შემთხვევაში თუ გარანტიის გამცემი ბანკი არ იქნება საქართველოში მოქმედი კომერციული ბანკი, გარანტიის გამცემ ბანკს რეიტინგი უნდა ჰქონდეს მინიმუმ „B+“ Fitch Rating-ით ან სხვა საერთაშორისო სარეიტინგო სააგენტოს მიერ მინიჭებული ექვივალენტური რეიტინგი. საბანკო გარანტია წარმოდგენილ უნდა იქნას დანართი №8-ის (ხელშეკრულების შესრულების საგარანტიო უზრუნველყოფა/ნიმუში) არსებითი პირობების დაცვით;

5.2 იმ შემთხვევაში, თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, ხელშეკრულების შესრულების უზრუნველყოფის მიზნით გამარჯვებულმა პრეტენდენტმა უნდა წარმოადგინოს საბანკო დაწესებულების მიერ გაცემული ხელშეკრულების უზრუნველყოფის უპირობო და გამოუთხოვადი საბანკო გარანტია სახელშეკრულებო ღირებულების 10%-ის ოდენობით, სატენდერო დოკუმენტაციის 5.1 პუნქტის მოთხოვნათა დაცვით.

6. ზოგადი პირობები

6.1 პრეტენდენტს უფლება აქვს წარმოადგინოს მხოლოდ ერთი სატენდერო წინადადება;

6.2 ელექტრონულ სისტემაში ატვირთული პრეტენდენტის მიერ შექმნილი ყველა დოკუმენტი ან/და ინფორმაცია ხელმოწერილი და ბეჭდდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნეს მინდობილობა);

6.3 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში (დანართი №6), რომელიც ხელშეკრულების დადების მომენტისათვის შესაძლებელია დაზუსტდეს სატენდერო წინადადების შესაბამისად;

6.4 სატენდერო დოკუმენტაციასა და მის დანართებში, სადაც მითითებული იქნება კონკრეტული სასაქონლო ნიშანი, მოდელი, წარმოშობის წყარო ან მწარმოებელი (ასეთის არსებობის შემთხვევაში) იგულისხმება „მსგავსი“, „ანალოგი“ ან „ეკვივალენტი“;

6.5 სატენდერო დოკუმენტაციით მოთხოვნილი, ერთიან ელექტრონულ სისტემაში ასატვირთი ყველა დოკუმენტ(ებ)ი წარმოდგენილ უნდა იქნეს ქართულ ენაზე; დოკუმენტების უცხოურ ენაზე წარდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი;

6.6 სატენდერო დოკუმენტაცია შედგენილია ქართულ და ინგლისურ ენებზე. ქართულ და ინგლისურ ენოვან ტექსტებს შორის შესაბამისობის არსებობის შემთხვევაში, უპირატესობა ენიჭება ქართულენოვან ვერსიას.

6.7 ტენდერში ამხანაგობის მონაწილეობის შემთხვევაში, პრეტენდენტი ვალდებულია იმოქმედოს სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ 10¹ მუხლის მოთხოვნათა სრული დაცვით;

7. ინფორმაცია პრეტენდენტისათვის

7.1 შემსყიდველი ორგანიზაცია ვალდებულია, კანონმდებლობით დადგენილი წესით, ერთიანი ელექტრონული სისტემის კითხვა/პასუხის მოდულის მეშვეობით, პრეტენდენტის მოთხოვნის შემთხვევაში, განახორციელოს სატენდერო განცხადებასთან და დოკუმენტაციასთან დაკავშირებით შესაბამისი დაზუსტება/განმარტება;

7.2 შემსყიდველ ორგანიზაციასა და პრეტენდენტს შორის ნებისმიერი მიმოწერა/შეტყობინების გაგზავნა ხდება სისტემის შესაბამისი მოდულის მეშვეობით და სისტემის გამოყენების გარეშე მიმოწერა/შეტყობინება სავალდებულო არ არის. მიმოწერა/შეტყობინება მიღებულად ჩაითვლება მისი სისტემაში ატვირთვის მომენტიდან;

7.3 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, კახეთის გზატკეცილი №21, მე-2 სართული, ოთახი 205; საკონტაქტო პირი: სატენდერო დოკუმენტაციასთან დაკავშირებულ საკითხებზე - გიორგი ჩიღვინაძე, ტელ: +995 (32) 224-40-40, (შიდა-216).

8. მოთხოვნები პრეტენდენტის ან მისი ქვეკონტრაქტორის (ასეთის არსებობის შემთხვევაში) მიმართ

8.1 პრეტენდენტს ან მის ქვეკონტრაქტორს (ასეთის არსებობის შემთხვევაში) უნდა გააჩნდეს შემდეგი სამშენებლო სამუშაოების განხორციელების გამოცდილება:

8.1.1 პრეტენდენტს (ქვეკონტრაქტორის გარეშე), 2010 წლის 1 იანვრიდან წინამდებარე ტენდერის გამოცხადების დღემდე აშენებული უნდა ჰქონდეს ერთი პროექტის ფარგლებში მინიმუმ 10 კმ-ის ან მეტი სიგრძის ფოლადის მაგისტრალური ნავთობსადენი/გაზსადენი (მაგისტრალური ნავთობსადენი/გაზსადენის მშენებლობაში იგულისხმება მშენებლობა ამავე სფეროში მოქმედი ნორმატიული დოკუმენტაციის შესაბამისად. მშენებლობა უნდა მოიცავდეს მაგისტრალური გაზსადენის მშენებლობის სრული ციკლისათვის აუცილებელ ძირითად ეტაპებს, მათ შორის: დერეფნის მომზადება, მილსადენების შედუღება, შენადული პირაპირების შემოწმება, საიზოლაციო სამუშაოები, ტრანშეის დამუშავება, მილსადენის ტრანშეაში განთავსება და გრუნტით შევსება, მილსადენის გამოცდა სიმტკიცეზე და ჰერმეტიკობაზე).

8.1.2 პრეტენდენტს ან მის ქვეკონტრაქტორს (ასეთის არსებობის შემთხვევაში), 2010 წლის 1 იანვრიდან წინამდებარე ტენდერის გამოცხადების დღემდე, ერთი გადაკვეთის ფარგლებში, შესრულებული უნდა ჰქონდეს დახრილ-მიმართული ბურღვის მეთოდით მინიმუმ 500მ სიგრძის მიწისქვეშა გადასასვლელის მოწყობის სამუშაოები მინიმუმ 500 მმ დიამეტრის ფოლადის მილით;

8.2 პრეტენდენტს (ქვეკონტრაქტორის გარეშე) წინამდებარე ტენდერის ფარგლებში წარმოდგენის დღისთვის უნდა გააჩნდეს წინამდებარე ტენდერში მის მიერ დაფიქსირებული საბოლოო ფასის არანაკლებ 30%-ის ოდენობით შესაბამისი საბრუნავი კაპიტალი (კომპანიას ანგარიშზე უნდა გააჩნდეს თანხა) ან/და საკრედიტო ხაზი ან/და საკრედიტო ხაზის გახსნის შესაძლებლობა, პროექტის განსახორციელებლად საჭირო პერიოდის ვადით (ამ პუნქტით გათვალისწინებული დამადასტურებელი დოკუმენტაცია გაცემული უნდა იყოს საბანკო დაწესებულების მიერ);

8.3 პრეტენდენტს ტენდერით გათვალისწინებული სამუშაოების შესასრულებლად საკუთრების ან/და სარგებლობის უფლებით (იჯარა, თხოვება, ქირა და ა.შ.) უნდა გააჩნდეს სატენდერო დოკუმენტაციის დანართი №2-ის (საპროექტო დოკუმენტაცია) მე-7 პუნქტით გათვალისწინებული მანქანა-მექანიზმები/ტექნიკა;

8.3.1 საკუთრებაში არსებული მანქანა-მექანიზმების/ტექნიკის შემთხვევაში - პრეტენდენტმა უნდა წარმოადგინოს სარეგისტრაციო მოწმობ(ებ)ის ან/და საკუთრების დამადასტურებელი ნებისმიერი სხვა დოკუმენტ(ებ)ი, რომელიც დაადასტურებს მოცემული მომენტისათვის საკუთრების არსებობას (აღნიშნული დოკუმენტი უნდა იძლეოდეს მანქანა-მექანიზმების/ტექნიკის იდენტიფიცირების საშუალებას);

8.3.2 სარგებლობის უფლებით არსებული მანქანა-მექანიზმების/ტექნიკის შემთხვევაში - პრეტენდენტმა უნდა წარმოადგინოს იჯარის, ქირის, თხოვების (ან სხვა) შესახებ მხარეთა შორის გაფორმებული ხელშეკრულ(ებ)ი, სადაც მითითებული მონაცემებით შესაძლებელი იქნება მანქანა-მექანიზმების/ტექნიკის იდენტიფიცირება და სარგებლობის ვადის განსაზღვრა (რომელიც არ უნდა იყოს წინამდებარე ტენდერით განსაზღვრული სამუშაოების შესრულების ვადაზე ნაკლები);

8.4 პრეტენდენტს სამუშაოების განხორციელების პროცესში დასაქმებული უნდა ჰყავდეს მინიმუმ 12 ამ სფეროში შესაბამისი კვალიფიკაციის მქონე შემდგომი, რომლებსაც უნდა გააჩნდეთ შესაბამისი უფლებამოსილი ორგანოს მიერ გაცემული მოწმობები/სერტიფიკატები (მოქმედი წინამდებარე ტენდერის წინადადებების მიღების დასრულების დღისთვის);

8.4.1 პრეტენდენტს ან მის ქვეკონტრაქტორს (ასეთის არსებობის შემთხვევაში) სამუშაოების განხორციელების პროცესში დასაქმებული უნდა ჰყავდეს მინიმუმ ერთი დახრილ-მიმართული ბურღვის სამუშაოების ინჟინერი და ოპერატორი, რომლებსაც უნდა გააჩნდეთ შესაბამისი გამოცდილება (იგულისხმება მინიმუმ 500 მმ დიამეტრის ფოლადის მილით მინიმუმ 500 მ სიგრძის დახრილ-მიმართული ბურღვის მეთოდით მიწისქვეშა გადასასვლელის მოწყობის პროექტი). აღნიშნულის დასადასტურებლად პრეტენდენტმა უნდა წარმოადგინოს შემოთავაზებული თანამშრომლების რეზიუმე (CV) და დასაქმების დამადასტურებელი დოკუმენტები (აღნიშნული შეიძლება იყოს შრომის წიგნაკი ან/და შრომითი ხელშეკრულება ან სხვა ნებისმიერი დასაქმების დამადასტურებელი დოკუმენტი);

9. პრეტენდენტის მიერ სისტემაში ასატვირთი ტექნიკური დოკუმენტაცია/ინფორმაცია

9.1. პრეტენდენტის რეკვიზიტები, დანართი №1-ის შესაბამისად;

9.2. ხარჯთაღრიცხვა, დანართი №2-ის (საპროექტო დოკუმენტაციის) მე-6 პუნქტის _ მოცულობათა ცხრილი (იხილეთ ცალკე მიმაგრებული MS EXCEL-ის ფაილი) შესაბამისად;

9.3. საგარანტიო პირობები და ვადები, დანართი №3-ის შესაბამისად;

9.4 გამოცდილების დამადასტურებელი დოკუმენტაცია: ხელშეკრულება/ხელშეკრულებები და მათი სრულად შესრულების საბოლოო მიღება-ჩაბარების დამადასტურებელი დოკუმენტ(ებ)ი ან/და აღნიშნული დოკუმენტაციის შესახებ მითითება სახელმწიფო შესყიდვების სააგენტოს ერთიანი ელექტრონული სისტემის NAT/CMR/SPA ტენდერის ნომრებზე. ხელშეკრულების მიღება-ჩაბარების დამადასტურებელი დოკუმენტაცია უნდა ითვალისწინებდეს:

- მაგისტრალური ნავთობსადენის/გაზსადენის შემთხვევაში, შესრულებული მშენებლობის ეტაპების ჩამონათვალი;
- დახრილ-მიმართული ბურღვის შემთხვევაში, მითითებას, რომ აღნიშნული პროექტი ითვალისწინებს ერთი გადაკვეთის ფარგლებში, დახრილ-მიმართული ბურღვის მეთოდით მინიმუმ 500 მ სიგრძის მიწისქვეშა გადასასვლელის მოწყობის სამუშაოებს მინიმუმ 500 მმ დიამეტრის ფოლადის მილით.

თუ აღნიშნულ მოთხოვნებს არ ითვალისწინებს პრეტენდენტის მიერ წარმოდგენილი რომელიმე ხელშეკრულების მიღება-ჩაბარების დამადასტურებელი დოკუმენტაცია, პრეტენდენტი ვალდებულია დამატებით წარმოადგინოს მშენებლობის შემსყიდველი/დამკვეთი ორგანიზაციის განმარტება შესრულებული სამუშაოების სრული აღწერით (პუნქტი 8.1);

9.5 საბრუნავი კაპიტალის ან/და საკრედიტო ხაზის ან/და საკრედიტო ხაზის გახსნის შესაძლებლობის დამადასტურებელი დოკუმენტაცია (პუნქტი 8.2);

9.6. ინფორმაცია წინამდებარე ტენდერით გათვალისწინებული სამუშაოების შესასრულებლად საკუთრების ან/და სარგებლობის უფლებით (იჯარა, თხოვება, ქირა და ა.შ.) განსაზღვრული მანქანა-მექანიზმების/ტექნიკის შესახებ, დანართი №5-ის შესაბამისად და საკუთრების ან/და სარგებლობის უფლების დამადასტურებელი დოკუმენტაცია (პუნქტი 8.3);

- 9.7 სამუშაოების შესრულების გეგმა-გრაფიკი (გეგმა-გრაფიკი წარმოდგენილ უნდა იქნას პირობითი ვადების მითითებით (მაგ: თვე I, თვე II და ა.შ.));
- 9.8 შესაბამისი უფლებამოსილი პირის მიერ გაცემული შემდუღებლების მოწმობ(ებ)ი/სერტიფიკატ(ებ)ი და სამუშაოების განხორციელების პროცესში აღნიშნული შემდუღებლების მონაწილეობის დასტური ხელმოწერით (პუნქტი 8.4);
- 9.9 დახრილ-მიმართული ბურღვის სამუშაოების ინჟინერის და ოპერატორის რეზიუმე და დასაქმების დამადასტურებელი დოკუმენტაცია (პუნქტი 8.4.1);
- 9.10 ქვეკონტრაქტორის არსებობის შემთხვევაში, ატვირთული უნდა იქნას სამართლებრივი ურთიერთობის ამსახველი დოკუმენტ(ებ)ი (ხელშეკრულება, შეთახმება ან სხვა ექვივალენტური დოკუმენტი, რომელიც გამოხატავს პირის ნებას აღნიშნული ტენდერით შესასყიდი სამშენებლო სამუშაოებში მონაწილეობის თაობაზე).
- 9.11 ინფორმაცია სასურველი ანგარიშსწორების პირობის შესახებ (პუნქტები 4.12 და 4.13).

დანართი №1 - რეკვიზიტების ფორმა

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკის დასახელება:

ბანკის კოდი:

ანგარიშის ნომერი:

ხელმოწერა, ბეჭედი -----

დანართი №2 - საპროექტო დოკუმენტაცია

ქვემოთ მოცემული პუნქტები წარმოადგენს საპროექტო დოკუმენტაციის განუყოფელ ნაწილს.
იხილეთ ცალკე მიმაგრებული ფაილები

1. განმარტებითი ბარათი;
2. ხარისხის უზრუნველყოფის/ ხარისხის კონტროლის მახასიათებლები;
3. ჯანმრთელობის დაცვა და უსაფრთხოება;
4. გარემოს დაცვა;
5. ნახაზები;
6. მოცულობათა ცხრილი (იხილეთ ცალკე მიმაგრებული MS EXCEL-ის ფაილი);
7. საჭირო ტექნიკის ჩამონათვალი

დანართი № 3 საგარანტიო პირობები და ვადები

1	2
სამუშაოს დასახელება	ჩვენს მიერ შესრულებულ სამუშაოებზე გავრცელდება
აღმოსავლეთ - დასავლეთის მაგისტრალური გაზსადენის ქობულეთის (500მმ) 45კმ-იანი განშტოების სამშენებლო სამუშაოები	-- წლიანი გარანტია

შენიშვნა:

- შესრულებულ სამუშაოზე მიმწოდებელმა უნდა გაავრცელოს საბოლოო მიღება-ჩაბარების აქტის გაფორმებიდან არანაკლებ 12 (თორმეტი) თვით გარანტია, რომ მის მიერ შესრულებულ სამუშაოს არ ექნება დეფექტი ექსპლუატაციის ნორმების დაცვის პირობებში, წინააღმდეგ შემთხვევაში, მიმწოდებელი ვალდებულია საკუთარი ხარჯებით განახორციელოს გამოვლენილი დეფექტების აღმოფხვრა.
- მიმწოდებელი ავსებს #2 გრაფას.

ხელმოწერა, ბეჭედი _____

დანართი №4 - შემსყიდველის მიერ გადასაცემი მასალების ჩამონათვალი და სპეციფიკაცია

იხილეთ ცალკე მიმაგრებული ფაილი

შენიშვნა:

- შემსყიდველი სამუშაოების განსახორციელებლად მიმწოდებელს გადასცემს ცხრილში განსაზღვრულ მასალებს დანართში №2-ის მე-6 პუნქტში _ მოცულობათა ცხრილი მითითებულ მისამართებზე;

დანართი №5 - ინფორმაცია ტენდერით გათვალისწინებული სამუშაოების შესასრულებლად საკუთრების ან სარგებლობის უფლებით (იჯარა, თხოვება, ქირა და ა.შ.) განსაზღვრული მანქანა-მექანიზმების/ტექნიკის შესახებ.

ინფორმაცია სამუშაოების შესასრულებლად საჭირო მანქანა-მექანიზმების/ტექნიკის შესახებ			
1	2	3	4
N	მანქანა-მექანიზმების დასახელება და სახელმწიფო ნომერი	აღწერილობა / მოდელი	საკუთრების ან/და სარგებლობის ფორმა (საკუთარი / იჯარა / თხოვება ან სხვა)
1			
2			
3			
4			
5			
6			
7			
8			
9			
10			
11			
12			
13			
14			
15			
16			
17			
...			

პრეტენდენტის ხელმოწერა _____

დანართი №6 - სახელმწიფო შესყიდვების შესახებ ხელშეკრულების პროექტი

(სახელმწიფო შესყიდვების შესახებ მოცემული ხელშეკრულების ფორმა და პირობები შესაძლებელია დაზუსტდეს ხელშეკრულების დადების მომენტისათვის მხარეთა მოლაპარაკების საფუძველზე)

ქ. თბილისი

-----, 2016 წ.

წინამდებარე ხელშეკრულება გაფორმებულია 2016 წლის -----

ერთის მხრივ, სს „საქართველოს ნავთობისა და გაზის კორპორაცია“ (შემდგომში – „შემსყიდველი“), წარმოდგენილი დირექტორის ----- საკითხებში ----- სახით

და მეორეს მხრივ, ----- (შემდგომში „მიმწოდებელი“), წარმოდგენილი დირექტორის -----საхით,

იმ გარემოებიდან გამომდინარე, რომ 2016 წლის ----- შემსყიდველის მიერ „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად, გამოცხადებულ ----- მშენებლობის სახელმწიფო შესყიდვის” ტენდერში ----- გამარჯვებულად გამოცხადდა ----- ფასით ----- ლარი დღგ-ს გარეშე.

სატენდერო დოკუმენტაციის, მიმწოდებლის სატენდერო წინადადების და საქართველოს მოქმედი კანონმდებლობის გათვალისწინებით, წინამდებარე ხელშეკრულებაზე (შემდგომში „ხელშეკრულება“) ხელმოწერის გზით შევთანხმდით შემდეგზე:

1. განმარტებები

ხელშეკრულებაში მოცემულ ტერმინებს და ფრაზებს მინიჭებული აქვთ შემდეგი მნიშვნელობები:

1. „სამუშაოების წარმოების გეგმა-გრაფიკი“ ნიშნავს მიმწოდებლის მიერ მომზადებულ გრაფიკს, ცალკეული სამუშაოების წარმოების და ვადების მითითებით, რომელიც წარმოადგენს ხელშეკრულების შემადგენელ ნაწილს - დანართი N--;
2. „საზედამხედველო (ინსპექტირების) ჯგუფი“ ნიშნავს შემსყიდველის მიერ დანიშნულ იმ პირების ჯგუფს, რომლებიც ადგილზე გააკონტროლებენ სამუშაოების მიმდინარეობას და ხელშეკრულების განსაზღვრული პირობების შესრულებას;
3. „მიღება-ჩაბარების აქტი“ ნიშნავს ხელშეკრულების მხარეების უფლებამოსილი წარმომადგენლების მიერ ხელმოწერილ დოკუმენტს, რომელიც ადასტურებს, შესრულებული სამუშაოების მოცულობას. მიღება-ჩაბარების აქტი ეფუძნება საზედამხედველო (ინსპექტირების) ჯგუფის მიერ წარმოდგენილ დასკვნას;
4. „დახრილ-მიმართული ბურღვა“ ნიშნავს მდინარე რიონზე დახრილ მიმართული ბურღვის მეთოდით მიწისქვეშა გადასასვლელის მოწყობას;
5. „დასრულების თარიღი“ ნიშნავს სამუშაოების მთლიანი მოცულობით დასრულების თარიღს, რომელიც არ უნდა აღემატებოდეს ----- .
6. „დახრილ-მიმართული ბურღვის დასრულების თარიღი“ ნიშნავს მდინარე რიონზე დახრილ-მიმართული ბურღვის მეთოდით მიწისქვეშა გადასასვლელის მოწყობის სამუშაოების სრული მოცულობით დასრულებას, რაც არ უნდა აღემატებოდეს -----;
7. „ხელშეკრულების პირობები“ ნიშნავს პირობებს, რომლებიც მოცემულია წინამდებარე ხელშეკრულებაში და მის დანართებში;
8. „ხელშეკრულება“ ნიშნავს წინამდებარე დოკუმენტს, მის დანართებს და მასში განხორციელებულ ცვლილებებს და/ან დამატებებს;
9. „ხელშეკრულების დანართები“ ნიშნავს დოკუმენტებს, რომლებიც მოცემულია პუნქტ -ში მათში შეტანილი ცვლილებების და/ან დამატებების ჩათვლით;
10. „მიმწოდებლის წარმომადგენელი“ ნიშნავს მიმწოდებლის მიერ დანიშნულ უფლებამოსილ წარმომადგენელს;

11. „ხელშეკრულების ღირებულება“ – შეადგენს ----- ლარს დღგ-ს ჩათვლით და მოიცავს საქართველოს კანონმდებლობით გათვალისწინებულ ყველა შესაბამის გადასახადს და გადასახდელს;
12. „მიმწოდებელი“ ამ ხელშეკრულების მიზნებისათვის ნიშნავს - -----
13. „დღე“ - ნიშნავს კალენდარულ დღეს;
14. „ხარვეზი“ ნიშნავს სამუშაოს ნებისმიერი იმ ნაწილის შეუსრულებლობას ან არაჯეროვნად შესრულებას, რომლის შესრულებაც გათვალისწინებულია ხელშეკრულების საპროექტო დოკუმენტაციის ან/და სატენდერო დოკუმენტაციით განსაზღვრული პირობების შესაბამისად;
15. „ხარვეზების გამოსწორების აქტი“ ნიშნავს ხელშეკრულების მხარეების უფლებამოსილი წარმომადგენლების მიერ ხელმოწერილ დოკუმენტს, რომელიც ადასტურებს მიმწოდებლის მიერ ხარვეზების გამოსწორების ფაქტს;
16. „შესრულებული სამუშაოების საგარანტიო ვადა“ ნიშნავს 12 თვიან პერიოდს, რომლის ათვლაც იწყება სამუშაოების მთლიანი მოცულობით დასრულების მიღება-ჩაბარების აქტის ხელმოწერიდან;
17. „ნახაზები“ ნიშნავს გრაფიკულ გამოსახულებას, რომელიც წარმოადგენს საპროექტო დოკუმენტაციის განუყოფელ ნაწილს;
18. „ხელშეკრულების ძალაში შესვლის თარიღი“ ნიშნავს ხელშეკრულებაზე უფლებამოსილი წარმომადგენლების მიერ ხელმოწერის თარიღს;
19. „შემსყიდველის მიერ გადასაცემი მასალები“ ნიშნავს მასალებს, რომელსაც შემსყიდველი გადასცემს მიმწოდებელს სამუშაოების შესრულების მიზნით ხელშეკრულების დანართ N-----ში მითითებული მოცულობით;
20. „მანქანა-დანადგარები“ ნიშნავს მიმწოდებლის მოწყობილობებს, მანქანებს, მექანიზმებს და დანადგარებს, რომლებიც განთავსებულია და/ან გამოიყენება სამშენებლო ობიექტზე სამუშაოების ჩასატარებლად და განსაზღვრულია დანართი ----;
21. „მასალები“ ნიშნავს ყველა იმ მასალას, მათ შორის სახარჯ მასალებს, რომლებსაც იყენებს მიმწოდებელი სამუშაოების შესრულებისას;
22. „საზედამხედველო (ინსპექტირების) ჯგუფის უფროსი“ ნიშნავს შემსყიდველის მიერ დანიშნულ უფლებამოსილ წარმომადგენელს, რომელსაც აქვს უფლება წინამდებარე ხელშეკრულების მიზნებისთვის იმოქმედოს შემსყიდველის სახელით და მისცეს შესაბამისი მითითებები მიმწოდებელს სამუშაოების წარმოების დროს;
23. „ქვეკონტრაქტორი“ ნიშნავს ფიზიკურ ან იურიდიულ პირს, რომელსაც მიმწოდებლის წინაშე აქვს აღებული ხელშეკრულებით განსაზღვრული სამუშაოების ნაწილის შესრულების ვალდებულება;
24. „სამუშაოები“ ნიშნავს ხელშეკრულების განსაზღვრულ საქმიანობას, რომელიც, მათ შორის, დეტალურად არის აღწერილი საპროექტო დოკუმენტაციაში, დეტალურად არის რეგლამენტირებული შესაბამისი სამშენებლო წესებით, ნორმებით და სტანდარტებით და მოიცავს (მაგრამ არ შემოიფარგლება) ნებისმიერი მიწის და ბეტონის სამუშაოს, მილსადენებისა და ონკანების მონტაჟს, შედუღებას, იზოლაციას, ყველა სახის ტესტირებასა და გამოცდას, აგრეთვე ხარვეზების გამოსწორებისას იგივე ან მსგავსი სამუშაოების ჩატარებას;
25. „მესამე პირი“ ნიშნავს ნებისმიერ ფიზიკურ ან/და იურიდიულ პირს, რომელსაც ხელშეკრულების მხარეების მიმართ გააჩნია ან შესაძლებელია გაუჩნდეს კანონიერი უფლებები და მოვალეობები ხელშეკრულების საგნით გათვალისწინებულ ურთიერთობებთან დაკავშირებით.
26. „სამშენებლო ეტაპი“ - ნიშნავს სამუშაოთა წარმოების გეგმა-გრაფიკით გაწერილ სამშენებლო სამუშაოებს (ნაყოფიერი ფენის მოხსნა, შედუღება, ტრანშეის გათხრა და სხვა).

2. ხელშეკრულების საგანი, მხარეთა ვალდებულებები

1. ხელშეკრულების საგანია, ----- სამშენებლო სამუშაოების (შემდგომში -სამუშაო - CPV-45231220) სახელმწიფო შესყიდვა.

2. მიმწოდებელი კისრულობს ვალდებულებას, ----- სამშენებლო სამუშაოები განახორციელოს საპროექტო დოკუმენტაციის, სატენდერო დოკუმენტაციის (მათ შორის მიმწოდებლის მიერ წარმოდგენილი სატენდერო წინადადების) და ხელშეკრულების პირობების მიხედვით, ასევე გამოასწოროს შესრულებულ სამუშაოებზე გამოვლენილი დეფექტები.
3. შემსყიდველი კისრულობს ვალდებულებას, რომ აუნაზღაურებს მიმწოდებელს შესრულებული სამუშაოების ღირებულებას ხელშეკრულებით გათვალისწინებული პირობების შესაბამისად.

3. ხელშეკრულების ინტერპრეტაცია (განმარტება)

1. ხელშეკრულების მოცემული პირობების ინტერპრეტაციისას, სათაურებს არა აქვს რაიმე მნიშვნელობა. პირობების ინტერპრეტაციისას ხელშეკრულების მუხლებში მოყვანილ სიტყვებს აქვს მათი ნორმალური მნიშვნელობა. მხოლოდ შემსყიდველს შეუძლია გასცეს განმარტებები ხელშეკრულების პირობებთან (დანართებთან) დაკავშირებით;
2. ხელშეკრულება შედგება შემდეგი დოკუმენტებისაგან, რომელთაგან თითოეული უნდა იქნეს წაკითხული და გაგებული როგორც ხელშეკრულების შემადგენელი ნაწილი:
დანართი №1 _ ხარჯთაღრიცხვა;
დანართი №2 _ საპროექტო დოკუმენტაცია (ელექტრონული ვერსია CD-R დისკზე);
დანართი №3 _ საგარანტიო პირობები და ვადები;
დანართი №4 _ გადასაცემი მასალების ჩამონათვალი და სპეციფიკაცია;
დანართი №5 _ სამუშაოების წარმოების გეგმა-გრაფიკი;
დანართი №6 _ ხელშეკრულების შესრულების უზრუნველყოფის საბანკო გარანტია
3. საპროექტო დოკუმენტაციის დედანი ინახება შემსყიდველთან.
4. შემსყიდველს უფლება აქვს მიმწოდებელს პერიოდულად მისცეს დამატებითი საპროექტო დოკუმენტაცია და ინსტრუქციები, რომელიც შეიძლება საჭირო გახდეს სამუშაოების სათანადოდ და ადეკვატურად შესრულების, დასრულების და ხარვეზების გამოსწორების მიზნით. მიმწოდებელმა სამუშაოების შესრულება უნდა უზრუნველყოს აღნიშნული დამატებითი საპროექტო დოკუმენტაციისა და ინსტრუქციების შესაბამისად.

4. ხელშეკრულების ენა

ხელშეკრულება შედგენილია ორ ეგზემპლარად, ქართულ ენაზე.

5. საზედამხედველო (ინსპექტირების) ჯგუფი

1. მიმწოდებლის მიერ ამ ხელშეკრულების ნაკისრი ვალდებულებების დროულად და ჯეროვნად შესრულების კონტროლის მიზნით, შემსყიდველი ქმნის საზედამხედველო (ინსპექტირების) ჯგუფს, რომელსაც ხელმძღვანელობს ჯგუფის უფროსი. საზედამხედველო (ინსპექტირების) ჯგუფის უფროსს აქვს მიმწოდებლისათვის შესაბამისი მითითებებისა და ინსტრუქციების გაცემის უფლება ან/და მიმწოდებლისათვის „ხარვეზის გამოსწორების შეტყობინების“ გაკეთების უფლება, რომელიც შეიძლება საჭირო გახდეს სამუშაოების სათანადოდ და დროულად შესრულების მიზნით. საზედამხედველო (ინსპექტირების) ჯგუფის უფროსი ასევე უფლებამოსილია მოახდინოს სამუშაოს ნებისმიერი ნაწილის შეჩერება იმ ვადით სანამ არ მოხდება ხარვეზის სრულად აღმოფხვრა, ასევე, იმ შემთხვევაში, თუ არ სრულდება სამშენებლო სტანდარტის მოთხოვნები ან/და ხელშეკრულების პირობები და მოსთხოვოს მიმწოდებელს შემსყიდველისათვის დამატებითი ხარჯის გარეშე მათი განხორციელება. ხარვეზის გამოსწორების შეტყობინებაში მოცემული მითითებების შესრულება მიმწოდებლისათვის სავალდებულოა.
2. საზედამხედველო ჯგუფი ვალდებულია შეამოწმოს სამუშაოების მიმდინარეობა, მათი შესრულების ხარისხი, ვადები და პროექტთან შესაბამისობა.
3. მხოლოდ საზედამხედველო ჯგუფის დადებითი დასკვნის საფუძველზე შეიძლება გაფორმდეს სამუშაოების ან მისი ნაწილის - სამუშაოების წარმოების ეტაპის მიღება-ჩაბარების აქტი.

6. შეტყობინებები

1. მხარეებს შორის შეტყობინებები შესაძლოა განხორციელდეს როგორც წერილობითი, ისე ელექტრონული ფორმით. შეტყობინებას ძალა ექნება მხოლოდ მაშინ, თუ ის შესრულება მხარისათვის გასაგებ ენაზე და გადაეცემა ხელშეკრულების მეორე მხარეს. მიმწოდებლის შემთხვევაში, შეტყობინებები შეიძლება გადაეცეს როგორც მიმწოდებელს, ასევე მის წარმომადგენელს, ამასთან ჩაითვლება, რომ წარმომადგენლისათვის გადაცემული შეტყობინება გადაცემულია მიმწოდებლისათვის.

7. უფლების გადაცემა

1. მიმწოდებელს არ აქვს უფლება შემყიდველის წინასწარი დასტურის გარეშე მესამე პირებს გადასცეს უფლება ხელშეკრულებაზე ან მის რომელიმე ნაწილზე, ან ამ ხელშეკრულებით გათვალისწინებულ რაიმე სარგებელსა ან ინტერესზე. ამ პუნქტით დადგენილი ნორმების დარღვევა უპირობოდ მიიჩნევა ხელშეკრულების დარღვევად, ხოლო მიმწოდებლის მიერ მესამე პირებთან გაფორმებული ნებისმიერი შესაბამისი ხელშეკრულება, შეთანხმება ან სხვა ამგვარი დოკუმენტი ითვლება ბათილად.

8. ქვეკონტრაქტების გაფორმება

1. მიმწოდებელს არ აქვს უფლება, სამშენებლო სამუშაოების ნაწილში გააფორმოს ქვეკონტრაქტი მთლიანი სამუშაოს ან სამუშაოს რომელიმე ნაწილის შესრულებასთან დაკავშირებით, თუ ამის შესახებ შემსყიდველს წინასწარ წერილობით არ შეატყობინებს და არ მიიღებს შესაბამის წერილობით თანხმობას. შემსყიდველის ასეთი თანხმობა არ გაათავისუფლებს მიმწოდებელს ხელშეკრულების გათვალისწინებული ნებისმიერი სახის პასუხისმგებლობისა თუ ვალდებულებისგან და იგი პასუხს აგებს ქვეკონტრაქტორისა და მისი მომსახურე პერსონალის მიერ ჩადენილ ნებისმიერ ქმედებაზე, შესრულებულ სამუშაოში დაშვებულ ნებისმიერ ხარვეზზე. მიმწოდებელი ვალდებულია უზრუნველყოს, რომ ქვეკონტრაქტორმა შეასრულოს ხელშეკრულების პირობები.

9. პერსონალი

1. მიმწოდებელი ვალდებულია დაიქირავოს სამუშაოების შესასრულებლად საჭირო, შესაბამისი კვალიფიკაციის მქონე პერსონალი. ამასთან, მიმწოდებელმა უნდა უზრუნველყოს, რომ სამშენებლო სამუშაოები განხორციელდეს შემოთავაზებული/სერთიფიცირებული შემდუღებლებისა და დახრილ-მიმართული ბურღვის სამუშაოების ინჟინერისა და ოპერატორის სრული ჩართულობით.
2. მიმწოდებელი სამუშაოების შესრულებასა და მათ დასრულებასთან დაკავშირებით, აგრეთვე სამუშაოების შესრულებისას დაშვებული ხარვეზების გამოსწორების მიზნით, უზრუნველყოფს მხოლოდ ისეთი ტექნიკური პერსონალის დაქირავებას, რომელიც გამოცდილი და კვალიფიციურია შესაბამის სპეციალობაში და ისეთი სამუშაოთა მწარმოებლების და ზედამხედველების დაქირავებას, რომლებსაც შესწევთ უნარი უზრუნველყონ შესაბამისი ზედამხედველობა სამუშაოებზე.
3. იმ შემთხვევაში, თუ საზედამხედველო (ინსპექტირების) ჯგუფის უფროსი მიმართავს მიმწოდებელს ხარვეზის გამოსწორების შეტყობინებით, რომელიც ეხება მიმწოდებლის გუნდის ან სამუშაო ჯგუფის წევრი კონკრეტული პირის მიერ სამუშაოს შესრულების შეზღუდვას და მოიყვანს შესაბამის დასაბუთებას აღნიშნულთან დაკავშირებით, მიმწოდებელმა უნდა უზრუნველყოს, რომ დასახელებულმა პიროვნებამ დაუყოვნებლივ დატოვოს სამშენებლო მოედანი და მას აღარ გააჩნდეს შეხება ხელშეკრულებით განსაზღვრულ სამუშაოებთან.
4. მიმწოდებელი თავად უზრუნველყოფს საკუთარ თანამშრომლებს საცხოვრებელით, ანაზღაურებით, კვებით და ტრანსპორტით.
5. მიმწოდებელი ვალდებულია სამუშაოების წარმოების მთელი პერიოდისათვის უზრუნველყოს საქართველოს კანონმდებლობითა და საერთაშორისო სტანდარტებით გათვალისწინებული შესაბამისი უსაფრთხოების წესების დაცვა.

10. მიმწოდებლის წარმომადგენელი

1. მიმწოდებლის წარმომადგენელი უფლებამოსილია მიმწოდებლის სახელით მიიღოს სამუშაოს შესრულებასთან დაკავშირებით საზედამხედველო (ინსპექტირების) ჯგუფის მიერ გაცემული ყველა დირექტიული მითითება და ინსტრუქცია.
2. მიმწოდებელს არა აქვს თავისი წარმომადგენლის შეცვლის უფლება შემსყიდველის წინასწარი თანხმობის გარეშე. მსგავსი თანხმობა არ ათავისუფლებს მიმწოდებელს მოცემული ხელშეკრულებით გათვალისწინებული ვალდებულებებისაგან.

11. მიმწოდებლის რისკები

1. ხელშეკრულების ძალაში შესვლის თარიღიდან სამუშაოების მთლიანი მოცულობით მიღება-ჩაბარების აქტის გაფორმებამდე, მიმწოდებელს ეკისრება პერსონალის დაშავებასთან, სიკვდილთან, ქონების დაკარგვასა თუ დაზიანებასთან (სამუშაოების, მოწყობილობის, მასალების, დანადგარების და შემსყიდველის მიერ მიწოდებული მასალების ჩათვლით), გარემოს დაზიანებასთან, ასევე, მესამე პირებთან დაკავშირებული ყველა რისკი და ამ რისკებიდან წარმოშობილი ზიანის სრული ანაზღაურების ვალდებულება.

12. შესრულებული სამუშაოების საგარანტიო ვადა

1. მიმწოდებელი იძლევა გარანტიას, რომ სამუშაოების მთლიანი მოცულობით დასრულების დამადასტურებელი მიღება-ჩაბარების აქტის ხელმოწერიდან -- თვის ვადაში მიმწოდებლის მიერ შესრულებულ სამუშაოზე არ გამოვლინდება დეფექტი/ხარვეზი, ხოლო მათი გამოვლენის შემთხვევაში მიმწოდებელი კისრულობს ვალდებულებას (გარდა იმ შემთხვევისა, თუ დეფექტი/ხარვეზი წარმოშობილია/განპირობებულია შემსყიდველის მიერ მოწოდებული მასალების თვისობრივ-ხარისხობრივი მაჩვენებლების წარმოშობის სერტიფიკატთან შეუსაბამობით ან ქარხნული წუნის გამო), რომ საკუთარი ხარჯითა და პასუხისმგებლობით აღმოფხვრის საგარანტიო პერიოდში გამოვლენილ დეფექტს/ხარვეზს, შემსყიდველის მიერ განსაზღვრულ გონივრულ ვადაში.

13. პასუხისმგებლობა ზიანის ანაზღაურებაზე და ხარვეზის გამოსწორებაზე

1. მიმწოდებელი იღებს სრულ პასუხისმგებლობას ნებისმიერ ზიანზე (პირდაპირი თუ არაპირდაპირი) ან დანაკარგზე, რომელიც ამ ხელშეკრულების ფარგლებში მიადგება როგორც შემსყიდველს, ასევე მესამე პირს, ხელშეკრულების ძალაში შესვლიდან საგარანტიო ვადის მოქმედების დასრულებამდე.
2. მიმწოდებელი ვალდებულია საკუთარი ხარჯით გამოსწოროს ნებისმიერი დეფექტი/ხარვეზი იმგვარად, რომ შესრულებული სამუშაო სრულ შესაბამისობაში იყოს ხელშეკრულების პირობებთან.
3. მიმწოდებლის მიერ ხარვეზების გამოსწორებასთან დაკავშირებული ყველა სამუშაო შესრულებული იქნება საპროექტო დოკუმენტაციის და ხელშეკრულების პირობების დაცვით, იმგვარად, რომ მიმწოდებელმა შემსყიდველს ააცილოს ყველანაირი პრეტენზია, ზიანი, ხარჯი.
4. მიმწოდებელი ხარვეზ(ებ)ის გამოსწორებისას, ასევე პასუხისმგებელია საქართველოს კანონმდებლობის შესაბამისად, ანაზღაუროს ყველა ის ზიანი, რომელიც მისი ქმედებიდან გამომდინარე მიადგა მესამე პირს.
5. მიმწოდებლის მიერ შესრულებულ და შემსყიდველის მიერ უკვე მიღებული სამუშაოებზე ან მათ ნაწილზე ნებისმიერი ზემოქმედებით გამოწვეული დაზიანება (ხარვეზი) აღმოფხვრილი უნდა იქნეს მიმწოდებლის მიერ, სამუშაოების მთელი მოცულობით დასრულების მიღება-ჩაბარების აქტის გაფორმებამდე.
6. თუკი მიმწოდებლის პასუხისმგებლობის პერიოდში ზიანი მიადგება შემსყიდველის მიერ მიწოდებულ მასალებს, მიმწოდებელი საკუთარი ხარჯით გამოსწორებს ხარვეზებს და ანაზღაურებს დანაკარგს.
7. წინამდებარე მუხლის პირველი, მე-2 და მე-4 პუნქტებით გათვალისწინებული მიმწოდებლის ვალდებულებები/პასუხისმგებლობები არ წარმოიშვება იმ შემთხვევაში, თუ დეფექტი/ხარვეზი/დანაკარგი/ზიანი წარმოშობილია/განპირობებულია შემსყიდველის მიერ მოწოდებული მასალების თვისობრივ-ხარისხობრივი მაჩვენებლების, მასალის მწარმოებელი ქარხნის მიერ გაცემული ხარისხის დამადასტურებელ სერტიფიკატთან შეუსაბამობით ან/და შემსყიდველის მიერ მიწოდებული მასალების ქარხნული წუნით.

14. მიმწოდებლის მიერ სამუშაოს შესრულება

1. მიმწოდებელი ხელშეკრულების პირობების მიხედვით, შესაბამისი ძალისხმევით და მონდომებით დაგეგმავს (ხელშეკრულების ფარგლებში), შესასრულებს და დაასრულებს სამუშაოებს, ასევე გამოასწორებს ნებისმიერ ხარვეზს (გარდა იმ შემთხვევისა თუ დეფექტი/ხარვეზი წარმოშობილია/განპირობებულია შემსყიდველის მიერ მიწოდებული მასალების თვისობრივ-ხარისხობრივი მაჩვენებლების წარმოშობის სერტიფიკატთან შეუსაბამობით ან ქარხნული წუნის გამო), რომლებიც დაკავშირებულია აღნიშნულ სამუშაოებთან.
2. მიმწოდებელი უზრუნველყოფს სამუშაოთა სრულ ზედამხედველობას, სამუშაო ძალის დაქირავებას, საჭირო მასალებითა და მოწყობილობით უზრუნველყოფას, ყველა სხვა სამუშაოს, იქნება ის დროებითი ხასიათის, თუ მუდმივი, რომელიც საჭიროა მის მიერ ხელშეკრულებით განსაზღვრული ვალდებულებების შესრულებისათვის.
3. მიმწოდებელი აწარმოებს სამშენებლო სამუშაოებს საპროექტო დოკუმენტაციის შესაბამისად. მიმწოდებელი დაუყონებლივ, მაგრამ არაუგვიანეს 2 (ორი) დღის ვადაში, შეატყობინებს შემსყიდველს ნებისმიერი შეცდომის, წუნის ან ხარვეზის შესახებ საპროექტო დოკუმენტაციაში.
4. მიმწოდებელი კისრულობს სრულ პასუხისმგებლობას ადგილზე შესასრულებელი სამუშაოების ადეკვატურობასა, სტაბილურობასა და უსაფრთხოებაზე, აგრეთვე საპროექტო დოკუმენტაციით განსაზღვრული სამშენებლო წესების, ნორმების და სტანდარტების შესრულებასთან და მშენებლობის ორგანიზებასთან დაკავშირებით.
5. მიმწოდებელი მკაცრად დამოთხოვნილობს და იმოქმედებს საზედამხედველო (ინსპექტირების) ჯგუფის მიერ გაცემული მითითებების შესაბამისად სამუშაოებთან დაკავშირებულ ნებისმიერ საკითხზე. მიმწოდებელი ვალდებულია საპროექტო დოკუმენტაციის ფარგლებში მიიღოს მითითებები მხოლოდ შემსყიდველისგან (ან მისი უფლებამოსილი პირისგან).
6. მიმწოდებელი კისრულობს სრულ პასუხისმგებლობას მდინარე რიონზე დახრილ-მიმართული ბურღვის მეთოდით მიწისქვეშა გადასასვლელის მოწყობაზე. აღნიშნული სამუშაოები დასრულებულად ჩაითვლება მას შემდეგ რაც პროცედურის დაცვით ჩატარებული ჰიდროტესტირებისა და საკალიბრაციო ფირფიტის გატარების შემდეგ შედეგები იქნება დადებითი. სამუშაოები უნდა შესრულდეს თანდართული დანართი №---- პირობების მკაცრი დავით.

15. სამუშაოების წარმოების ვადა

1. მიმწოდებელი უზრუნველყოფს სამუშაოთა დასრულებას სამუშაოთა წარმოების გეგმა-გრაფიკში (დანართი №5) აღნიშნულ ვადებში.
2. მიმწოდებელმა სამუშაოთა წარმოების გეგმა-გრაფიკის (დანართი N5) მიხედვით, სამუშაოების განხორციელებისას უნდა გაითვალისწინოს, რომ სამუშაოების სრული მოცულობით დასრულების თარიღი არ უნდა აღემატებოდეს -----, ხოლო დახრილ-მიმართული ბურღვის საშუალებით მდინარე რიონზე მიწისქვეშა გადასასვლელის მოწყობის სამუშაოების სრული მოცულობით დასრულების თარიღი არ უნდა აღემატებოდეს -----

16. ჯანმრთელობის და უსაფრთხოების საკითხები

1. მიმწოდებელი პასუხისმგებელია სამშენებლო ობიექტზე სამუშაოების უსაფრთხოდ წარმოებასა და ჯანმრთელობის დაცვაზე მოქმედი კანონმდებლობის და ხელშეკრულების დანართში N2-ის მე-3 პუნქტით მოცემული საპროექტო დოკუმენტაციის შესაბამისად.

17. გარემოს დაცვის, კულტურული მემკვიდრეობის და სოციალური ზეგავლენის საკითხები

1. მიმწოდებელი საქართველოს მოქმედი კანონმდებლობის შესაბამისად, პასუხისმგებელია ყველა შესაძლო ნეგატიურ ზეგავლენაზე, რომელიც მიმდინარე სამუშაოებმა შეიძლება მოახდინოს გარემოზე, სოციალურ

გარემოზე, კულტურულ მემკვიდრეობაზე და საზოგადოებაზე.

2. მიმწოდებელი და ქვეკონტრაქტორი (ასეთის არსებობის შემთხვევაში) ვალდებული არიან დაექვემდებარონ შესაბამისი კანონების მოთხოვნებს და დებულებებს, რომელიც დაკავშირებულია გარემოზე, სოციალურ გარემოზე, კულტურულ მემკვიდრეობაზე და საზოგადოებაზე ზეგავლენის საკითხებთან (რაც თავის მხრივ შეზღუდვის გარეშე მოიცავს გარემოს დაბინძურების თავიდან აცილებას, კულტურული მემკვიდრეობის დაცვას და სხვა გადაუდებელ ღონისძიებებს).

3. სამუშაოთა მიმდინარეობის მთელი პერიოდის განმავლობაში და მათი დასრულების მომენტისათვის, აგრეთვე ხარვეზების გამოსწორების პერიოდში, მიმწოდებელი ყველა ღონეს იხმარს, რათა დაიცვას მშენებლობის მომიჯნავე გარემო, სოციალურ გარემო, კულტურული მემკვიდრეობა და საზოგადოება ნეგატიური ზეგავლენისაგან და ცალკეული პიროვნებები შეწუხებისა და მათი ქონების დაზიანებისაგან, რაც დაკავშირებულია გარემოს დაბინძურებასთან ან სხვა მიზეზებთან.

18. გარემოს დაბინძურება

1. სამუშაოთა წარმოების და მათი დასრულების შემდგომ მიმწოდებელი უზრუნველყოფს სამშენებლო ნარჩენების და ნაგვის გატანას, რომელიც წარმოიქმნა მშენებლობის პროცესში. მიმწოდებელი ვალდებულია დაემორჩილოს შემსყიდველის მოთხოვნას, რომელიც ითვალისწინებს სამუშაოთა მიმდინარეობის განმავლობაში მსგავსი დასუფთავების ღონისძიებების გატარებას.

2. სამუშაოების დასრულებისთანავე მიმწოდებელი ვალდებულია დაუყოვნებლივ გაიტანოს სამშენებლო მოედნიდან მიმწოდებლის და ქვე-კონტრაქტორის (ასეთის არსებობის შემთხვევაში) კუთვნილი მოწყობილობა, მასალები, ხარაჩოები, დროებითი ნაგებობები და მსგავსი კონსტრუქციები.

3. მიმწოდებელი კისრულობს ვალდებულებას დაიცვას ნიადაგი და წყალი დაბინძურებისაგან, რომელიც გამოწვეულია, მაგრამ არ შემოიფარგლება გადმოღვრით, გაჟონვით ან საწვავის, ძრავის შესაზეთი მასალების, საღებავების, დასაგრუნტი მასალების, გამხსნებლის დაღვრით, ნარჩენებით, ნაგვით და სხვა მასალებით, რომლებიც მიმწოდებლის ან ქვე-კონტრაქტორის საკუთრებაში ან კონტროლის ქვეშაა და იღებს ვალდებულებას მის გატანაზე და აგრეთვე იმაზე, რომ დაიცვას შემსყიდველი („ზიანისაგან დაცული მხარე“) მის მიმართ წყენებული პრეტენზიისაგან, მოთხოვნისაგან, ხარჯისაგან, სასამართლო გარჩევისაგან, დანაკარგისაგან და სხვა ხარჯისაგან, რომლებიც წარმოიქმნება მიმწოდებლის დაუდევრობის მიზეზით ან მის მიერ მესამე პირთა უფლებების დარღვევისას.

4. მიმწოდებელი ვალდებულია უზრუნველყოს სამუშაოების წარმოების შედეგად წარმოქმნილი ნარჩენების (სახიფათო და არასახიფათო) სეპარირებული შეგროვება, აღრიცხვა, დროებით უსაფრთხოდ განთავსება და გადაცემა გაუვნებელყოფა-გადამუშავების მიზნით, გარემოზე ზემოქმედების ნებართვის მქონე სათანადო ლიცენზირებული ორგანიზაციისათვის.

5. სამშენებლო სამუშაოების წარმოებისას ნებისმიერი სახის ზიანი ან დანაკარგი, რომელიც მიადგა მესამე მხარის ქონებას, დაუყოვნებლივ იქნება მიმწოდებლის მიერ აღდგენილი პირვანდელ მდგომარეობაში ან/და ჩანაცვლებული უკეთესით ან/და ანაზღაურებული იქნება შესაბამისი ღირებულებით. აღნიშნული მდგომარეობა დაექვემდებარება მოლაპარაკებას მიმწოდებელსა და ზემოქმედების ქვეშ მყოფ მესამე მხარე(ებ)ს შორის.

6. სამუშაოების ზემოქმედების ქვეშ მოყოლილ მიწის ნაკვეთების აღდგენის შემდეგ მიმწოდებელი ვალდებულია მიწის მესაკუთრებთან გააფორმოს შესაბამისი მიღება-ჩაბარების აქტი, რომელსაც ხელს აწერს მესამე პირი, ასევე მიმწოდებლის უფლებამოსილი პირი.

7. მდინარე რიონზე დახრილ-მიმართული ბურღვის მეთოდით მიწისქვეშა გადასასვლელის მოწყობის დროს მიმწოდებელი ვალდებულია მკაცრად დაიცვას გარემოს დაცვის და შრომის უსაფრთხოების მოთხოვნები. გარემოსდაცვითი ღონისძიებები უნდა შეესაბამებოდეს საქართველოს კანონმდებლობას და პასუხობდეს თანამედროვე სტანდარტებს/მოთხოვნებს.

19. შემსყიდველის მიერ გადასაცემი მასალები

1. შემსყიდველი გადასცემს მიმწოდებელს მასალებს, რომელთა ჩამონათვალი და ადგილმდებარეობა მოცემულია წინამდებარე ხელშეკრულების დანართ №4-ში.

2. შემსყიდველის მიერ მიმწოდებლისათვის მასალების გადაცემისას ფორმდება მასალების მიღება-ჩაბარების აქტი,

რომელშიც აღნიშნული უნდა იქნას შემსყიდველის მიერ გადაცემული და მიმწოდებლის მიერ მიღებული მასალების დასახელება, რაოდენობა, ტექნიკური მახასიათებლები და მდგომარეობა.

3. მიმწოდებელი საკუთარი ხარჯითა და პასუხისმგებლობით უზრუნველყოფს 19.1 მუხლით გათვალისწინებული მასალების ტრანსპორტირებას სამშენებლო მოედანზე, მის ჩატვირთვას, გადმოტვირთვას, დამუშავებას, შენახვას და დაცვას.

4. ყველა რისკი, რომელიც დაკავშირებულია მიმწოდებლისათვის გადაცემული მასალების უვნებლობასთან, შენახვასა და მიმწოდებლის მიერ დანიშნულებისამებრ გამოყენებასთან გადადის მიმწოდებელზე, მხარეების მიერ მასალების მიღება-ჩაბარების აქტის გაფორმების მომენტიდან.

5. მიმწოდებელი ვალდებულია შეინახოს შესაბამისი მასალები შენახვის აუცილებელი პირობების დაცვით.

6. მიმწოდებელი ანგარიშვალდებულია შემსყიდველის წინაშე ამ უკანასკნელის მიერ მიწოდებულ მასალებთან დაკავშირებით და მოთხოვნის შემთხვევაში წარუდგენს შემსყიდველს სათანადო საბუთს მათი დანიშნულებისამებრ გამოყენების თაობაზე, ისევე, როგორც მათი მდებარეობის თაობაზე. მიმწოდებლის მიერ შემსყიდველისგან მიღებული მასალების რაოდენობისა და ხარისხის მიმწოდებელთან ფაქტობრივად არსებული მასალების რაოდენობასა და ხარისხთან შეუსაბამობის აღმოჩენის შემთხვევაში, რაც დადასტურებული უნდა იყოს შესაბამისი აქტით, მიმწოდებელი ვალდებულია საკუთარი ხარჯით აღმოფხვრას დანაკლისი ან/და შეუსაბამობა, შემსყიდველის მიერ მიმწოდებლისათვის მიწოდებული მასალების ანალოგიური ხარისხობრივი მაჩვენებლების მქონე მასალის მიწოდების ან მხარეთა შეთანხმებით, შესაბამისი მასალების ღირებულების ანაზღაურების გზით.

7. შემსყიდველის მიერ გადაცემული მასალებიდან გამოუყენებელი მასალებისა და მასალების ნარჩენების შემსყიდველისათვის სრულ დაბრუნებას უზრუნველყოფს მიმწოდებელი საკუთარი ხარჯითა და პასუხისმგებლობით. აღნიშნული მასალების ტრანსპორტირება და დასაწყობება უნდა განხორციელდეს შემსყიდველის ლილოს მილსაწყობში, რომელიც მდებარეობს შემდეგ მისამართზე: ქ. თბილისი, ჭირნახულის ქ. №9.

8. მიმწოდებელი ვალდებულია საკუთარი სახსრებით შეიძინოს ყველა ის მასალები და დანადგარები, რომლებიც გათვალისწინებულია სამშენებლო დოკუმენტაციით და მიმწოდებელს არ გადაეცემა დანართი N4-ის საფუძველზე;

20. ნებართვები და ლიცენზიები

1. შემსყიდველი მიმწოდებელს გადასცემს სახელმწიფო ორგანოებიდან მის მიერ მოპოვებულ მშენებლობის ნებართვას, ასევე, მიანიჭებს მიმწოდებელს მიწის ნაკვეთებზე მისი კუთვნილი სერვიტუტის და აუცილებელი გზის უფლებებით სარგებლობის უფლებამოსილებას.

2. წინამდებარე მშენებლობის პროექტის განხორციელების ნებართვის აღებას უზრუნველყოფს შემსყიდველი. შემსყიდველი იღებს ვალდებულებას მშენებლობის ნებართვა მიმწოდებელს გადასცეს ხელშეკრულების გაფორმებიდან 30 (ოცდაათი) კალენდარული დღის ვადაში. იმ შემთხვევაში, თუ შემსყიდველის მიერ აღნიშნულ ვადაში არ განხორციელდება მშენებლობის პროექტის განხორციელების ნებართვის გადაცემა, მიმწოდებელს ხელშეკრულებით გათვალისწინებული სამუშაოების შესრულების ვადა გადაეწევა შესაბამის დაგვიანებულ დღეთა პროპორციულად.

3. წინამდებარე მუხლის პირველ პუნქტში აღნიშნული ნებართვის და უფლებების გარდა, მიმწოდებელი ვალდებულია თავად, საკუთარი ხარჯებით მოიპოვოს სამუშაოთა საწარმოებლად საჭირო ყველა სხვა უფლებები, ნებართვები და ლიცენზიები.

4. მიმწოდებელი ვალდებულია საკუთარი სახსრებით უზრუნველყოს სამუშაოების წარმოებისათვის საჭირო დამატებით მიწის ფართობებზე დროებითი სარგებლობის უფლების მოპოვება. დამატებითი მიწის ფართობების გამოყენების საჭიროებას განსაზღვრავს თავად მიმწოდებელი. ასეთ დამატებით მიწაზე მიმწოდებლის მიერ მიყენებულ ნებისმიერ ზიანზე ან ზარალზე, რომელიც მიადგა მიწის მესაკუთრეს, მოსარგებლეს, მფლობელს ან ნებისმიერ სხვა პირს, პასუხისმგებელია მიმწოდებელი.

21. სამუშაოების წარმოების გეგმა-გრაფიკი

1. სამუშაოების შესრულების ვადების კონტროლი ხორციელდება სამუშაოების წარმოების გეგმა-გრაფიკის

საფუძველზე, რომლებიც წარმოადგენს ამ ხელშეკრულების №5 დანართს.

2. შემსყიდველი იტოვებს უფლებას მოითხოვოს ნებისმიერი სამშენებლო ეტაპის შეჩერება იმ პერიოდამდე, სანამ მიმწოდებელი არ შეასრულებს წინა ან მომდევნო სამშენებლო ეტაპს დანართ №--- -ში მოცემული გრაფიკის ვადების შესაბამისად.

3. დახრილ-მიმართული ბურღვის მეთოდით მდინარე რიონზე მიწისქვეშა გადასასვლელის მშენებლობისათვის პრეტენდენტი უფლებამოსილია საჭიროების შემთხვევაში, წინამდებარე სატენდერო დოკუმენტაციით განსაზღვრული ჰიდროლოგიური და გეოლოგიური მონაცემების დაზუსტების ან/და სხვა აუცილებელი/საჭირო მონაცემების შეგროვების მიზნით, საკუთარი სახსრებით ჩაატაროს დამატებითი საინჟინრო-სადიებო კვლევები. აღნიშნული კვლევების ჩატარების შემთხვევაში, შემსყიდველის მიერ არ იქნება გათვალისწინებული დამატებითი ვადები.

22. დროული გაფრთხილება

1. მიმწოდებელმა დროულად უნდა გაუგზავნოს შემსყიდველს გაფრთხილება იმ მოსალოდნელ მოვლენებთან და გარემოებებთან დაკავშირებით, რომლებმაც შეიძლება უარყოფითად იმოქმედონ სამუშაოების მიმდინარეობაზე.

23. სამუშაოს ხარისხი და ინსპექტირება

1. სამუშაოს ხარისხი უნდა შეესაბამებოდეს ხელშეკრულებით განსაზღვრულ ხარისხს და შემსყიდველის მოთხოვნებს. სამუშაოს ხარისხი დროდადრო შემოწმდება შემსყიდველის მიერ თავად სამშენებლო ობიექტზე ან სხვა განსაზღვრულ ტერიტორიაზე. მიმწოდებელმა უნდა მოახდინოს სამუშაოების და მასალების ტესტირების ჩასატარებლად ყველა საჭირო საშუალებით, ტექნიკით და სამომხმარებლო ნივთებით უზრუნველყოფა, ასევე შეატყობინოს შემსყიდველს ტესტირების ჩატარების თაობაზე ტესტირების ჩატარებამდე არაუგვიანეს 48 საათისა, რათა შემსყიდველმა შეძლოს ნებისმიერი სახის ინსპექტირებასა და ტესტირებაზე დასწრება.

2. ყველა სამუშაომ უნდა გაიაროს სისტემატიური ინსპექტირება და ხარისხის კონტროლი. მიმწოდებელმა შემსყიდველს უნდა მიაწოდოს შესრულებული სამუშაოების ყოველდღიური ანგარიში და საჭიროებისამებრ გაატაროს ღონისძიებები პრობლემის აღმოსაფხვრელად. შემსყიდველს გადაეცემა ხარვეზების, მათ შორის გარემოსდაცვით და უსაფრთხოების საკითხებთან დაკავშირებული ხარვეზების შესახებ დოკუმენტაცია და ანგარიშები.

3. ხარისხის კონტროლის საფუძველზე გამოვლენილი ყველა დეფექტი ან/და დარღვევა დაუყონებლივ, მაგრამ არაუგვიანეს 24 საათისა შესაბამისი დეფექტის ან/და დარღვევის გამოვლენის მომენტიდან, უნდა ეცნობოს საზედამხედველო (ინსპექტირების) ჯგუფის უფროსს და უნდა გაიცეს მითითება გამოსასწორებელ ღონისძიებებთან დაკავშირებით. იმ შემთხვევაში, თუ მიმწოდებლის საქმიანობაში აღმოჩენილ იქნა ხარვეზი, მიმწოდებელი ვალდებულია გამოსასწოროს აღნიშნული ხარვეზი საზედამხედველო (ინსპექტირების) ჯგუფის უფროსის მიერ გაგზავნილი ხარვეზის გამოსწორების შეტყობინებაში განსაზღვრულ ვადებში.

4. თუ საზედამხედველო (ინსპექტირების) ჯგუფის ან მოწვეული ხარისხის შემფასებლის (ასეთის არსებობის შემთხვევაში) მიერ აღმოჩენილ იქნა დარღვევები, ისინი ამის შესახებ დაუყოვნებლოვ აცნობენ მხარეებს.

5. სამშენებლო სამუშაოების არცერთი ნაწილი არ უნდა სრულდებოდეს შემსყიდველის მხრიდან კონტროლისა, ინსპექტირების და შესაბამისი აქტის შედგენის გარეშე. მიმწოდებელი ვალდებულია შეატყობინოს შემსყიდველს ნებისმიერი სამშენებლო სამუშაოების დაწყების მზადყოფნის შესახებ.

6. მიმწოდებელმა შემსყიდველის მითითების თანახმად, ხელმისაწვდომი უნდა გახადოს სამუშაოების ინსპექტირება. მიმწოდებელმა უნდა უზრუნველყოს სამუშაოს ნებისმიერი ნაწილის შესრულება შემსყიდველის მოთხოვნების შესაბამისად.

7. შემსყიდველს და სხვა უფლებამოსილ პირს, ხელშეკრულებისა/და სხვა მარეგულირებელი კანონმდებლობის შესაბამისად, აქვთ უფლება ნებისმიერ დროს ხელშეკრულებასთან შესაბამისობის ან სამუშაოების მსვლელობის შეფასების მიზნით მოახდინოს სამშენებლო მოედანზე სამუშაოების წარმოების და სამუშაოებისთვის განკუთვნილი მასალების და მიმწოდებლის ან ქვეკონტრაქტორის (ასეთის არსებობის შემთხვევაში) ნაგებობების ინსპექტირება. მიმწოდებელმა უნდა მოახდინოს ინსპექტირებისთვის შესაბამისი, უსაფრთხო და სათანადო საშუალებებით უზრუნველყოფა.

8. შემსყიდველის მიერ დადგენილი ხარვეზის გამოსწორება მიმწოდებლის მიერ უნდა მოხდეს დაუყოვნებლივ, მიმწოდებლის სახსრებით. მიმწოდებლის მიერ ხარვეზის სრულ და ჯეროვნად აღმოფხვრამდე მხარეებს შორის შესაბამისი სამუშაოს მიღება-ჩაბარების აქტის გაფორმება არ განხორციელდება. იმ შემთხვევაში, თუ მიმწოდებელი ვერ, ან არ განახორციელებს ხარვეზის აღმოფხვრას ხარვეზის გამოსწორების შეტყობინებაში მითითებულ ვადაში, მაშინ ეს ჩაითვლება ხელშეკრულების პირობის დარღვევად.

24. ტესტირება

1. თუ საპროექტო დოკუმენტაციაში სხვაგვარად არ ხდება ფორმულირება, მიმწოდებელმა მისი სამუშაოების შესრულების მსვლელობისას, დამატებითი ანაზღაურების გარეშე უნდა ჩაატაროს წინამდებარე ხელშეკრულებით განსაზღვრული ყველა ტესტირება. იმისათვის, რომ შემსყიდველმა შეძლოს დასწრება მიმწოდებელმა ან ქვეკონტრაქტორმა ტესტირების ჩატარებამდე 48 საათით ადრე შემსყიდველს უნდა შეატყობინოს ჩასატარებელი ტესტირების თაობაზე. შემსყიდველის მიერ ტესტირებაზე დასწრება ან არდასწრება არ ათავისუფლებს მიმწოდებელს იმ პასუხისმგებლობისაგან, რომელიც მას ეკისრება შემსყიდველის მიმართ ხარვეზის მქონე მასალების თუ სამუშაოების არსებობის შემთხვევაში.
2. ტესტირების ჩატარების თაობაზე შეტყობინების მიღებიდან შემსყიდველი დაამოწმებს, რომ სამუშაოები იმყოფება ისეთ ფაზაში, რომ შესაძლებელია ტესტირების ჩატარება და საჭიროების არსებობის შემთხვევაში მოახდენს შესაბამისი პირების დასწრების ორგანიზებას. შემსყიდველის ასეთი დამოწმების გარეშე ჩატარებული ტესტირების შედეგები არ იქნება მიღებული მხედველობაში შემსყიდველის მიერ. ტესტირების შედეგების ჩანაწერის გაკეთება მოხდება შემსყიდველისთვის მისაღები წესით და მოხდება ჩანაწერის ხელმოწერა, იმის დასტურად, რომ ორივე მხარე, მიმწოდებელი და შემსყიდველი ცნობს აღნიშნული ჩანაწერის ნამდვილობას.
3. მიმწოდებელმა საკუთარი სახსრებით უნდა უზრუნველყოს ყველა აუცილებელი ნიმუშის მიწოდება.
4. ყველა ტესტირების ჩატარება, რომელიც განისაზღვრება წინამდებარე ხელშეკრულებით უნდა განხორციელდეს მიმწოდებლის დანახარჯებით. თუ ტესტირება აჩვენებს, რომ მასალების ან სამუშაოს ხარისხი არ შეესაბამება ხელშეკრულების პირობებით განსაზღვრულ მოთხოვნებს, დამატებითი ტესტირების საფასური, რომელიც შეიძლება მოითხოვოს შემსყიდველმა უნდა დაფაროს მიმწოდებელმა.
5. შემსყიდველს უფლება აქვს მოითხოვოს მიმწოდებლის ხარჯებით ხელშეკრულებით გაუთვალისწინებელი ტესტირების ჩატარება იმისათვის, რომ დარწმუნდეს რომელიმე სამუშაოს, მასალის ან ტექნიკის ხელშეკრულების პირობებთან შესაბამისობაში.
6. თუ რომელიმე მასალის ტესტირების შედეგები აღმოჩნდა არადადამაკმაყოფილებელი, ასეთ შემთხვევაში, მიმწოდებელი უზრუნველყოფს მასალის საჭირო კონდიციამდე აღდგენას ან ჩანაცვლებას. მიმწოდებელი ვალდებულია საკუთარი სახსრებით და 24.1 და 24.2 მუხლებში მოცემული პროცედურების დაცვით გაიმეოროს ტესტირება.
7. წინამდებარე ხელშეკრულების დანართში მოცემული პროცედურების დაცვით ჰიდროტესტირების მიმდინარეობისას საკალიბრაციო ფირფიტაზე გამოვლენილი ხარვეზის შემთხვევაში, მიმწოდებელი საკუთარი სახსრებით უზრუნველყოფს მილის გეომეტრიული ინსპექტირების მოწყობილობის გატარებას, რომელსაც ექნება დეფექტის მდებარეობის დადგენის ფუნქცია.
8. შესყიდველს ხელშეკრულებით უფლება აქვს მოითხოვოს ობიექტის ფარგლებს გარეთ ტესტირების ჩატარება, იმისათვის, რომ დარწმუნდეს რომელიმე სამუშაოს, მასალის ან ტექნიკის ხელშეკრულების პირობებთან შესაბამისობაში. შემსყიდველმა წინასწარ უნდა შეატყობინოს მიმწოდებელს ასეთი მოთხოვნის შესახებ, რათა მან შეძლოს ასეთი ტესტირების ჩატარება, და ამასთანავე, არ მოხდეს ხელშეკრულებით განსაზღვრული მისი სხვა ვალდებულებების შესრულების შეფერხება. ტესტირების საფასურს მთლიანად გაიღებს მიმწოდებელი.
9. დახრილ-მიმართული ბურღის მეთოდით მდინარე რიონზე მიწისქვეშა გადასასვლელის მოწყობის სამუშაოების ტესტირება უნდა განხორციელდეს ხელშეკრულების დანართის მოთხოვნების მკაცრი დაცვით.

25. ხარვეზების გამოსწორება

1. ხელშეკრულებით განსაზღვრული სამუშაოების დასრულების შემდეგ, სამუშაოების საგარანტიო პერიოდის დასრულებამდე, შემსყიდველი მიმწოდებელს გაუგზავნის შეტყობინებას ნებისმიერი აღმოჩენილი ხარვეზის (გარდა იმ შემთხვევისა, თუ დეფექტი/ხარვეზი წარმოშობილია/განპირობებულია შემსყიდველის მიერ მიწოდებული მასალები თვისობრივ-ხარისხობრივი მაჩვენებლების წარმოშობის სერტიფიკატთან შეუსაბამობით ან ქარხნული წუნის გამო) გამოსწორების/აღმოფხვრის მოთხოვნის თაობაზე.
2. ყოველი ხარვეზის გამოსწორების შეტყობინების დროს მიმწოდებელმა უნდა მოახდინოს შესაბამისი ხარვეზის გამოსწორება შეტყობინებაში განსაზღვრული ვადის განმავლობაში. იმ შემთხვევაში, თუ მიმწოდებელი დადგენილ ვადებში არ განახორციელებს ხარვეზების გამოსწორებას, შემსყიდველი უფლებამოსილი იქნება თავად უზრუნველყოს ხარვეზების გამოსწორება და ხარვეზების გამოსწორებისათვის (ასევე მასთან დაკავშირებული სხვა ხარჯები) საჭირო ხარჯების ანაზღაურება მოთხოვოს მიმწოდებელს, ხოლო მიმწოდებლის მიერ შემსყიდველისთვის განსაზღვრულ ვადებში ხარჯების გადაუხდელობის შემთხვევაში, მისი ანაზღაურება განახორციელოს ხელშეკრულების შესრულების უზრუნველყოფის საბანკო გარანტიის გამოყენებით.
3. ის სამშენებლო ეტაპი, სადაც გამოვლენილი იქნება ხარვეზი შემსყიდველის მიერ არ იქნება ანაზღაურებული. არ ანაზღაურდება არა მარტო ხარვეზის, არამედ მთლიანად სამშენებლო ეტაპის შესრულებული მოცულობის ღირებულება, მიმწოდებლის მხრიდან ხარვეზის სრულად აღმოფხვრამდე.

26. ცვლილებები

1. შემსყიდველს აქვს უფლება პროექტის მიზნებიდან გამომდინარე, ცალმხრივად მიიღოს გადაწყვეტილება სამუშაოების მოცულობის ცვლილებებთან დაკავშირებით. ასეთი ცვლილებები შესაძლოა მოიცავდეს: სამუშაოების მოცულობის დამატებას, შემცირებას, გაუქმებას, ჩანაცვლებას ან სხვა სახის ცვლილებას. მიმწოდებელი ვალდებულია დაეთანხმოს შემსყიდველის მოთხოვნას სამუშაო მოცულობის ცვლილებების შეტანასთან დაკავშირებით.
2. მიმწოდებელმა შემსყიდველის მიერ მოთხოვნილი ცვლილებების შესაბამისად უნდა უზრუნველყოს სამუშაოების მოცულობათა ცხრილის (ხარჯთაღრიცხვის), აგრეთვე ხელშეკრულების სხვა დანართების მომზადება, რომელიც უნდა ეფუძნებოდეს ერთეული სამუშაოს ღირებულებას.
3. ხელშეკრულებაში შეტანილი ცვლილებები და დამატებები იურიდიულ ძალას იძენენ მათი ხელმოწერის შემდეგ.

27. სამუშაოების მიღება-ჩაბარების წესი

1. სამუშაო ან მისი ნაწილი ჩაითვლება მიღებულად მხოლოდ შესრულებული სამუშაოს შესახებ მიღება-ჩაბარების აქტის ორივე მხარის მიერ ხელმოწერის შემდეგ. სამუშაოს მიღება-ჩაბარების თარიღად ჩაითვლება მიღება-ჩაბარების აქტზე დაფიქსირებული თარიღი.
2. მიმწოდებელი შემსყიდველს ხელშეკრულების გაფორმებიდან ყოველი თვის ბოლოს წარუდგენს დეტალურ ინფორმაციას შესრულებული სამუშაოების შესახებ, მათ შორის შესრულებული სამუშაოების დეტალურ მოცულობათა ცხრილს (ხარჯთაღრიცხვა; ფორმა #2) და გასაფორმებელ მიღება-ჩაბარების აქტს. მიღება-ჩაბარების აქტის ხელმოწერა, შემსყიდველის მხრიდან შენიშვნების არ არსებობის შემთხვევაში უნდა განხორციელდეს აქტის წარდგენიდან 10 (ათი) სამუშაო დღის განმავლობაში, ხოლო შენიშვნების არსებობის შემთხვევაში, მიმწოდებელს წერილობით უნდა გაეგზავნოს შეტყობინება აქტის წარდგენიდან 10 (ათი) სამუშაო დღის განმავლობაში.
3. დახრილ-მიმართული ბურღვის მეთოდით მიწისქვეშა გადასასვლელის მოწყობის და მასთან დაკავშირებული სამუშაოების ეტაპობრივი მიღება/ანგარიშსწორება არ განხორციელდება. აღნიშნული სამუშაოები დასრულებულად ჩაითვლება და შესაბამისი მიღება-ჩაბარების აქტი გაფორმდება გადასასვლელის მშენებლობის სამუშაოების სრულად დასრულებისა და პროცედურის დაცვით ჩატარებული ჰიდროტესტირებისა და საკალიბრაციო ფირფიტის გატარების დადებითი შედეგების საფუძველზე.
4. მიმწოდებლის მიერ გაწეული სამუშაოს (მისი ნაწილის) მიღებისას და/ან საბოლოო შემოწმების შედეგად

გამოვლენილი დეფექტის ან ნაკლის აღმოფხვრას (გარდა იმ შემთხვევისა, თუ დეფექტი/ხარვეზი წარმოშობილია/განპირობებულია შემსყიდველის მიერ მოწოდებული მასალების თვისობრივ-ხარისხობრივი მაჩვენებლების წარმოშობის სერტიფიკატთან შეუსაბამობით ან ქარხნული წუნის გამო) შემსყიდველის მიერ განსაზღვრულ ვადაში საკუთარი ხარჯებით უზრუნველყოფს მიმწოდებელი.

5. მიღება-ჩაბარების აქტს ხელს აწერენ შემსყიდველისა და მიმწოდებლის შესაბამისი უფლებამოსილი პირები შემსყიდველის ინსპექტირების ჯგუფის დასკვნის საფუძველზე.

28. ანგარიშსწორება

1. მიმწოდებლის წერილობითი მოთხოვნის შემთხვევაში, შემსყიდველი მიმწოდებელს ავანსის სახით გადაუხდის ხელშეკრულების ჯამური ღირებულების არაუმეტეს 20%-ს (ოცი პროცენტი), მიმწოდებლის მიერ შემსყიდველისათვის 35-ე მუხლში მითითებული შესაბამისი საბანკო გარანტიის წარდგენიდან 5 (ხუთი) სამუშაო დღის განმავლობაში (ასეთის მოთხოვნის შემთხვევაში);

2. შემსყიდველი მიმწოდებელს შესრულებული სამუშაოების ღირებულებას აუნაზღაურებს უნაღდო ანგარიშსწორების გზით, მიმწოდებლის მიერ შემსყიდველისათვის შესრულებული სამუშაოების დეტალური მოცულობათა ცხრილის (ხარჯთაღრიცხვა, ფორმა №2), მიღება-ჩაბარების აქტის და საგადასახადო ანგარიშ-ფაქტურის (ინვოისის) წარდგენიდან და მითითებული დოკუმენტაციის შემსყიდველის მიერ დადასტურებიდან არაუადრეს 8 (რვა) და არაუგვიანეს 10 (ათი) სამუშაო დღის ვადაში.

3. მიმწოდებელთან ანგარიშსწორებისას, გადახდილი საავანსო თანხის მთლიანი მოცულობით გაქვითვამდე, მიმწოდებლისათვის გადასახდელი თანხიდან შემსყიდველი გამოქვითავს ინვოისში (ანგარიშ-ფაქტურაში) მითითებული თანხის 25%-ს (ოცდახუთი პროცენტი). მას შემდეგ, რაც აღწერილი მეთოდით სრული მოცულობით გაიქვითება მიმწოდებლისათვის გადახდილი ავანსი, შემსყიდველი სრულად აანაზღაურებს შესრულებული სამუშაოებისათვის ინვოისში მითითებულ თანხას.

4. მიმწოდებლის რეკვიზიტებია:

29. გადასახადები

1. მიმწოდებელი პასუხისმგებელია გადაიხადოს მოქმედი კანონმდებლობით გათვალისწინებული ყველა სახის გადასახადი, გადასახდელი და მოსაკრებელი.

30. ხელშეკრულებით გათვალისწინებული ანგარიშსწორების ვალუტა

1. მიმწოდებელთან ანგარიშსწორება განხორციელდება საქართველოს ეროვნულ ვალუტაში – ლარში.

31. მიმწოდებლის პასუხისმგებლობა

1. იმ შემთხვევაში, თუ მიმწოდებელი ვერ შეძლებს ხელშეკრულებით განსაზღვრული სამუშაოების მთლიანი მოცულობის შესრულებას და შემსყიდველთან შესაბამისი მიღება-ჩაბარების აქტის გაფორმებას დასრულების თარიღის დადგომამდე, რაც წარმოადგენს ხელშეკრულების პირობის დარღვევას, მაშინ მიმწოდებელი შემსყიდველს გადაუხდის პირგასამტეხლოს სამუშაოების დასრულების თარიღის შემდგომ ყოველი ვადაგადაცილებულ დღეზე შეუსრულებელი სამუშაოს ღირებულების 0,1% (ნული მთელი ერთი მეათედი პროცენტი) ოდენობით. შემსყიდველს უფლება აქვს მოახდინოს გადასახდელი პირგასამტეხლოს გამოქვითვა მიმწოდებლისათვის გადასახდელი თანხიდან.

1.1 იმ შემთხვევაში, თუ მიმწოდებელი ვერ დაასრულებს მდინარე რიონზე დახრილ-მიმართული ბურღვის მეთოდით მიწისქვეშა გადასასვლელის მოწყობას დახრილ-მიმართული ბურღვის დასრულების თარიღისათვის, მაშინ მიმწოდებელი შემსყიდველს გადაუხდის პირგასამტეხლოს სამუშაოების დასრულების თარიღის შემდგომ ყოველი ვადაგადაცილებულ დღეზე დახრილ-მიმართული ბურღვის მეთოდით მიწისქვეშა გადასასვლელის მოწყობის ღირებულების 0,1% (ნული მთელი ერთი მეათედი პროცენტი) ოდენობით. შემსყიდველს უფლება აქვს მოახდინოს გადასახდელი პირგასამტეხლოს გამოქვითვა მიმწოდებლისათვის გადასახდელი თანხიდან.

2. მიმწოდებლის მიერ ხელშეკრულების შეწყვეტის/მომსახურების გაწყვეტაზე უარის თქმის შემთხვევაში, მიმწოდებელს დაეკისრება პირგასამტეხლო ხელშეკრულების საერთო ღირებულების 5%-ის ოდენობით.

3. მიმწოდებლის მიერ ხელშეკრულების პირობების დარღვევის შემთხვევაში, შემსყიდველს წინამდებარე ხელშეკრულების 34-ე მუხლის შესაბამისად, უფლება აქვს შეწყვიტოს ხელშეკრულება და გამოიყენოს მიმწოდებლის მიერ წარმოდგენილი ხელშეკრულების შესრულების უზრუნველყოფის საბანკო გარანტია და ასევე საავანსო საბანკო გარანტია (საავანსო საბანკო გარანტია გამოყენებულ იქნება შემსყიდველის მიერ იმ შემთხვევაში, თუ ხელშეკრულების შეწყვეტის თარიღისათვის მიმწოდებლისათვის შესრულებული სამუშაოებისათვის გადახდილი თანხებიდან სრულად არ არის გამოქვითული ავანსის მთლიანი თანხა).

32. სამუშაოს შესრულება

1. სამუშაოები დასრულებულად ჩაითვლება სამუშაოების მთლიანი მოცულობით მიღება-ჩაბარების აქტის გაფორმების შემდეგ.
2. დახრილ-მიმართული ბურღვის მეთოდით მიწისქვეშა გადასასვლელის მოწყობის სამუშაოები დასრულებულად ჩაითვლება და შესაბამისი მიღება-ჩაბარების აქტი გაფორმდება გადასასვლელის მშენებლობის სამუშაოების სრულად დასრულებისა და პროცედურის დაცვით ჩატარებული ჰიდროტესტირებისა და საკალიბრაციო ფირფიტის გატარების დადებითი შედეგების საფუძველზე.

33. ექსპლუატაციისა და ტექნიკური მომსახურების სახელმძღვანელოები

1. მიმწოდებელმა სამუშაოების მთლიანი მოცულობით მიღება-ჩაბარების აქტის გაფორმებამდე უნდა უზრუნველყოს სამშენებლო სამშენსრულებლო ნახაზების და სხვა სათანადო ტექნიკური დოკუმენტაციის წარდგენა შემსყიდველთან.
2. იმ შემთხვევაში, თუ მიმწოდებელი ვერ უზრუნველყოფს სამუშაოების მთლიანი მოცულობით მიღება-ჩაბარების აქტის გაფორმებამდე სამშენებლო სამშენსრულებლო ნახაზების და სხვა სათანადო ტექნიკური დოკუმენტაციის წარდგენას შემსყიდველთან, განმარტებით ბარათში მოცემული პირობების დაცვით (დანართი #-- საპროექტო დოკუმენტაცია), ეს უკანასკნელი იტოვებს უფლებას შეაჩეროს სამუშაოების მთლიანი მოცულობით მიღება-ჩაბარების აქტის გაფორმება.

34. ხელშეკრულების შეწყვეტის საფუძველები

1. საქართველოს კანონმდებლობით გათვალისწინებული წესით მიმწოდებელს უფლება აქვს შეწყვიტოს ხელშეკრულება იმ შემთხვევაში, თუ შემსყიდველი არ ასრულებს წინამდებარე ხელშეკრულებით ნაკისრ ვალდებულებებს.
2. საქართველოს კანონმდებლობით გათვალისწინებული წესით, შემსყიდველს უფლება აქვს ვადამდე შეწყვიტოს ხელშეკრულება იმ შემთხვევაში, თუ მიმწოდებელი არ ასრულებს (არღვევს) წინამდებარე ხელშეკრულებით აღებულ ვალდებულებებს, მათ შორის:
 - 2.1. მიმწოდებელმა ვერ ან არ შეასრულა ხარვეზის გამოსწორების შეტყობინებაში დაფიქსირებული მოთხოვნები, შეტყობინებაში მითითებულ ვადაში და წესით;
 - 2.2. მიმწოდებლის მხრიდან სამუშაოების წარმოება მიმდინარეობს საპროექტო დოკუმენტაციაში განსაზღვრული პირობების დარღვევით;
 - 2.3. მიმწოდებლის მიერ გადასახდელი პირგასამტეხლოს ოდენობა გადააჭარბებს ხელშეკრულების ღირებულების 5%-ს;
 - 2.4. მიმწოდებელი ვერ უზრუნველყოფს ხელშეკრულების შესრულების უზრუნველყოფის საბანკო გარანტიის ვადის გაგრძელებას, რომლის მოქმედების ვადაც უნდა ემთხვეოდეს შესრულებული სამუშაოების საგარანტიო ვადას, ასევე, მიმწოდებელი 35.1. მუხლით გათვალისწინებულ შემთხვევაში ვერ შეძლებს ახალი საავანსო გარანტიის წარმოდგენას;
 - 2.5. მიმწოდებელი ვერ უზრუნველყოფს სამშენებლო სამუშაოების წარმოებისას მოთხოვნილი რაოდენობის და შესაბამისი მახასიათებლების მქონე ტექნიკის მობილიზებას ან/და გამოყენებას.

- 2.6. მიმწოდებლის მიერ სამშენებლო სამუშაოების წარმოებისას არ იქნება მობილიზირებული საჭირო რაოდენობის და კვალიფიკაციის მქონე პერსონალი/ტექნიკა;
- 2.7. თუ მისთვის ცნობილი გახდება, რომ მიმწოდებლის მიერ მისი მდგომარეობის, კვალიფიკაციის და გამოცდილების შესახებ წარმოდგენილი მონაცემები და მონაცემების დამადასტურებელი დოკუმენტები ყალბი აღმოჩნდება;
- 2.8. მიმწოდებლის მიმართ გადახდისუუნარობის, გაკოტრების საქმის ან სხვა მსგავსი წარმოების განხილვის შემთხვევაში;
- 2.9 მიმწოდებელი ორჯერ ან მეტჯერ ჩამორჩა დანართ N5-ში მოცემულ სამუშაოებს;
- 2.10 მიმწოდებელმა შემსყიდველის სათანადო შეტყობინების მიღებიდან შეტყობინებაში მითითებულ ვადებში ვერ შეძლო გეგმა-გრაფიკით/დანართი N5 ნაკისრი სამუშაოს შესრულება;
3. შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე.
4. შემსყიდველს და მიმწოდებელს შეუძლიათ ურთიერთშეთანხმებით, ორმხრივად შეწყვიტონ ხელშეკრულება მისი მოქმედების ნებისმიერ ეტაპზე.
5. ხელშეკრულების შეწყვეტის შემთხვევაში მიწოდებელი დაუყოვნებლივ წყვეტს სამუშაოებს, უზრუნველყოფს ობიექტის უსაფრთხოებას და მიმწოდებელსა და შემსყიდველს შორის შეთანხმებულ გონივრულ ვადებში ტოვებს ობიექტს. ამასთან მიმწოდებელი ვალდებულია განახორციელოს გადაცემული მასალების აღრიცხვა და შემსყიდველისათვის მიწოდება შემსყიდველის მიერ განსაზღვრულ დროსა და ადგილზე.
6. თუ შემსყიდველი ხელშეკრულებას შეწყვეტს მიმწოდებლის მიერ ნაკისრი ვალდებულებების შეუსრულებლობის ან არაჯეროვნად შესრულების გამო, აღნიშნულ შემთხვევაში მიმწოდებელი ვალდებული იქნება ხელშეკრულების შეწყვეტიდან ერთი თვის ვადაში შემსყიდველს და მესამე პირებს აუნაზღაუროს ყველა ზიანი და ზარალი.

35. ავანსის გადახდისათვის შემსყიდველისათვის წარსადგენი საბანკო გარანტია

1. მიმწოდებლის მიერ შემსყიდველისათვის საავანსო გადახდაზე წარდგენილი უპირობო და გამოუთხოვადი საბანკო გარანტია (ეროვნული ვალუტა ლარი) მოთხოვნილი საავანსო თანხის ხელშეკრულების ღირებულების მაქსიმუმ 20% ოდენობით, არანაკლებ 30 დღით უნდა აღემატებოდეს ხელშეკრულებით გათვალისწინებული სამუშაოების სრული მოცულობით დასრულების ვადას. გარანტიის გამცემ ბანკს უნდა ჰქონდეს სულ მცირე "B+" რეიტინგი "Fitch Rating"-ის შესაბამისად ან სხვა საერთაშორისო სარეიტინგო სააგენტოს მიერ მინიჭებული ექვივალენტური რეიტინგი. საბანკო გარანტიაში ბენეფიციარად მითითებულ უნდა იყოს სს „საქართველოს ნავთობისა და გაზის კორპორაცია“. თუ საავანსო გარანტიის მოქმედების ვადის განმავლობაში არ მოხდება შემსყიდველის მიერ გადახდილი ავანსის თანხის სრულად გამოქვითვა შესრულებული სამუშაოების ღირებულებიდან, აღნიშნულ შემთხვევაში მიმწოდებელი ვალდებული იქნება არსებული გარანტიის მოქმედების ვადის გასვლამდე ერთი თვით ადრე წარმოადგინოს ახალი საავანსო გარანტია აუთვისებელი თანხის 100%-ის ოდენობით. ახალი საავანსო გარანტიის თარიღი დადგინდება დამატებითი შეთანხმებით ან ახალი საავანსო გარანტია ძალაში უნდა იყოს „დასრულების თარიღის“ („დასრულების თარიღად“ განიხილება იმ ეტაპისათვის სამუშაოების დასრულების დაგეგმილი თარიღი, რის საფუძველზეც შემსყიდველის მიერ განისაზღვრება ახალი საავანსო გარანტიის მოქმედების კონკრეტული ვადა) ჩათვლით.
2. ხელშეკრულების წინამდებარე მუხლის პირველ პუნქტში აღნიშნული საბანკო გარანტია უნდა ითვალისწინებდეს ბანკის უპირობო ვალდებულებას მოახდინოს საბანკო გარანტით განსაზღვრული თანხის სრული ან მისი ნაწილი ანაზღაურება.
3. შემსყიდველი საავანსო საბანკო გარანტიას მიმწოდებელს უბრუნებს სამუშაოთა შესრულებისათვის გადასახდელი თანხებიდან ავანსის მთელი მოცულობით გაქვითვის შემდეგ, მიმწოდებლის მიერ წერილობითი მოთხოვნის წარდგენის შემდეგ 15 კალენდარული დღის განმავლობაში.
4. ხელშეკრულების შეწყვეტის შემთხვევაში შემსყიდველი უფლებამოსილია აინაზღაუროს აუთვისებელი ავანსი, ავანსის უზრუნველყოფის საბანკო გარანტიიდან.

36. ხელშეკრულების შესრულების უზრუნველყოფის საბანკო გარანტია

1. მიმწოდებელმა ხელშეკრულების ხელმოწერამდე შემსყიდველს წარუდგინა ხელშეკრულების შესრულების

უზრუნველყოფის უპირობო და გამოუთხოვადი საბანკო გარანტია (ეროვნული ვალუტა ლარი), ხელშეკრულების ღირებულების 5% (ხუთი პროცენტი) ოდენობით, რომლის მოქმედების ვადა 13 (ცამეტი) თვით აღემატება სამუშაოების დასრულების თარიღს, ხოლო საბანკო გარანტიაში ბენეფიციარად მითითებულ უნდა იყოს სს „საქართველოს ნავთობისა და გაზის კორპორაცია.“ წარმოდგენილ უნდა იქნას საქართველოში მოქმედი კომერციული ბანკის მიერ გაცემული საბანკო გარანტია, ხოლო იმ შემთხვევაში თუ გარანტიის გამცემი ბანკი არ იქნება საქართველოში მოქმედი კომერციული ბანკი, გარანტიის გამცემ ბანკს რეიტინგი უნდა ჰქონდეს მინიმუმ „B+“ Fitch Rating-ით ან სხვა საერთაშორისო სარეიტინგო სააგენტოს მიერ მინიჭებული ექვივალენტური რეიტინგი.

2. ხელშეკრულების 36.1 პუნქტში აღნიშნული საბანკო გარანტია უნდა ითვალისწინებდეს ბანკის უპირობო ვალდებულებას საბანკო გარანტიის სრული თანხის შემსყიდველისათვის ანაზღაურებაზე. ხელშეკრულების შესრულების უზრუნველყოფის საბანკო გარანტია შემსყიდველის მიერ შეიძლება გამოყენებულ იქნეს ნებისმიერი ზიანის/ზარალის/პირგასამტეხლოს ანაზღაურების მიზნით, რომელიც მიადგება შემსყიდველს/დაეკისრება მიმწოდებელს, მიმწოდებლის მიერ ხელშეკრულების პირობების შეუსრულებლობის ან არაჯეროვანი შესრულების გამო.

3. ხელშეკრულების შესრულების უზრუნველყოფის საბანკო გარანტიით განხორციელებული გადახდა არ ათავისუფლებს მიმწოდებელს ხელშეკრულების შეუსრულებლობით შემსყიდველისათვის მიყენებული და საგარანტიო თანხით აუნაზღაურებელი ზიანის (ზარალის) ანაზღაურების ვალდებულებისაგან.

4. იმ შემთხვევაში თუ მიმწოდებლის მიერ ვერ ესწრება სამუშაოების სრული მოცულობით შესრულება დასრულების თარიღამდე, მიმწოდებელი ვალდებულია შემსყიდველის წერილობითი მითითებიდან 5 კალენდარული დღის ვადაში ხელშეკრულების შესრულების უზრუნველყოფის საბანკო გარანტიას გაუგრძელოს მოქმედების ვადა იმგვარად, რომ დაცული იყოს 36.1 პუნქტში მითითებული დროის პერიოდი.

5. მიმწოდებლის მიერ წინამდებარე ხელშეკრულებით გათვალისწინებული ვალდებულების შეუსრულებლობის ან არაჯეროვანად შესრულების შემთხვევაში, შემსყიდველის უფლებამოსილია სრულად გამოიყენოს ხელშეკრულების უზრუნველყოფის საბანკო გარანტია მიმწოდებელთან ხელშეკრულების შეწყვეტის ან მისი არ შეწყვეტის შემთხვევაში.

37. ფორს-მაჟორი

1. არც ერთი მხარე არ აგებს პასუხს და თავისუფლდება პასუხისმგებლობისაგან საკუთარი ვალდებულებების შეუსრულებლობის გამო, თუ შეუსრულებლობის მიზეზია ფორს-მაჟორული გარემოებები - გადაულახავი ძალა, რომლის წარმოშობა არ არის დამოკიდებული მხარეებზე და რომლის არსებობის ან წარმოშობის შესახებ ხელშეკრულების დადების მომენტში მხარეებს არ შეეძლოთ სცოდნოდათ.

2. ფორს-მაჟორად ჩაითვლება, მაგრამ არ შემოიფარგლება, შემდეგი გარემოებები:

ა) სტიქიური უბედურებანი (ხანძარი, წყალდიდობა, მიწისძვრა), მათ შორის რთული მეტეოროლოგიური პირობები, რომელთა არსებობის პირობებში სამუშაოს წარმოება საფრთხეს შეუქმნის დასაქმებული მუშახელის სიცოცხლესა და ჯანმრთელობას, სამუშაოსათვის მობილიზებულ ტექნიკასა და მანქანა-დანადგარებს, შემსყიდველის მიერ გადაცემულ მასალებს;

ბ) გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, ოკუპაცია, ანექსია, საგანგებო მდგომარეობის გამოცხადება სამშენებლო სამუშაოების წარმოების ტერიტორიაზე ან მის უშუალო სიახლოვეს;

გ) ეპიდემიები;

დ) ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება და ისეთი ნორმატიული აქტის გამოცემა, რომელიც ზემოქმედებს მხარეების მიერ ხელშეკრულებით ნაკისრი ვალდებულებების შესრულებაზე და ცვლის, აბათილებს ან აჩერებს ხელშეკრულების დებულებებსა და პირობებს;

ე) რომელთა არსებობა შეუძლებელს ხდის სამშენებლო სამუშაოების სამშენებლო წესებისა და ნორმების დაცვით წარმოებას;

3. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა) და არაუგვიანეს მათი წარმოშობიდან მეორე კალენდარული დღისა წარმომადგენლობაზე უფლებამოსილი პირის მიერ ხელმოწერილი წერილით.

4. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები

ვალდებულნი არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი. მხარე, რომელსაც ეხება ფორს-მაჟორული გარემოება, შესაძლებლობის ფარგლებში ვალდებულია, მოიძიოს ალტერნატიული გზები თავისი ვალდებულებების შესრულების მიზნით.

5. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.

6. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.

8. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

38. მარეგულირებელი კანონმდებლობა, დავების გადაწყვეტა

1. ხელშეკრულებას რეგულირდება საქართველოს კანონმდებლობით და მასთან დაკავშირებული ან მისგან გამომდინარე ნებისმიერი დავა მხარეთა შორის გადაწყდება საქართველოს კანონმდებლობის შესაბამისად.

2. ნებისმიერი დავა მხარეთა შორის წყდება ურთიერთმოლაპარაკების გზით. თუ მხარეები ვერ შეთანხმდებიან, დავა გადაწყდება საქართველოს სასამართლოს მიერ.

39. ხელშეკრულების ძალაში შესვლა და მოქმედების ვადა

1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 201- წლის ----- ჩათვლით.

2 ხელშეკრულების შესაბამისი მუხლები ძალაში რჩება მხარეთა მიერ ნაკისრი ვალდებულებების სრულ ამოწურვამდე.

40. დასკვნითი დებულებები

1. წინამდებარე ხელშეკრულების ნებისმიერი მუხლის, პუნქტის ან/და დებულების ბათილად ან/და ძალადაკარგულად ცნობა არ ახდენს გავლენას მთლიანად ხელშეკრულების ან მისი დანარჩენი მუხლების, პუნქტების ან/და დებულებების ნამდვილობაზე.

2. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით (შემსყიდველის ელექტრონული ფოსტაა - public@gogc.ge; მიმწოდებელის ელექტრონული ფოსტა: -----).

3. წინამდებარე ხელშეკრულების ყველა დანართი და/ან ცვლილება და/ან დამატება წარმოადგენს ამ ხელშეკრულების განუყოფელ ნაწილს.

41. მხარეთა რეკვიზიტები და ხელმოწერები

„შემსყიდველი“

სს „საქართველოს ნავთობისა და გაზის კორპორაცია“

მის: ქ. თბილისი, კახეთის გზატკეცილი 21

„მიმწოდებელი“

უპირობო და გამოუთხოვადი საბანკო გარანტია

ნიმუში

გარანტი: ბანკის დასახელება

პრინციპალი: კონტრაქტორის დასახელება

ბენეფიციარი: სს „საქართველოს ნავთობისა და გაზის კორპორაცია“

ჩვენთვის ცნობილი გახდა, რომ პრინციპალსა და ბენეფიციარს შორის გაფორმდა (ხელშეკრულების ნომერი და თარიღი) ხელშეკრულება (შემდგომში "ხელშეკრულება"), რომლის თანახმადაც პრინციპალმა უნდა განახორციელოს (შესყიდვის ობიექტის დასახელება) მიწოდება/შესრულება. ზემოხსენებული ხელშეკრულების პირობებით გათვალისწინებულია წინასწარი ანგარიშსწორება ხელშეკრულების მთლიანი ღირებულების _____ % ოდენობით, იმ შემთხვევაში, თუ პრინციპალი წარუდგენს ბენეფიციარს საბანკო გარანტიას მოთხოვნილი ავანსის ეკვივალენტ თანხაზე ანუ (თანხა ციფრობრივად და სიტყვიერად) _____ ლარზე.

ყოველივე ზემოაღნიშნულის გათვალისწინებით გაცნობებთ, რომ იმ შემთხვევაში, თუ პრინციპალი ვერ შეასრულებს ხელშეკრულების პირობების თანახმად ნაკისრ ვალდებულებებს, გარანტი კისრულობს ვალდებულებას ბენეფიციარის პირველივე წერილობითი მოთხოვნის მიღებიდან 5 სამუშაო დღის ვადაში ყოველგვარი უარყოფისა და გასაჩივრების გარეშე აუნაზღაუროს ბენეფიციარს ნებისმიერი თანხა ან თანხები, მაგრამ არაუმეტეს ჯამში (თანხა ციფრობრივად და სიტყვიერად) _____ ლარის.

წინამდებარე საბანკო გარანტია ძალაში შედის ბენეფიციარის მიერ პრინციპალის _____ (ბანკის დასახელება/ფილიალი) -ში არსებულ _____ (აგარიშის ნომერი) ანგარიშზე ავანსის თანხის _____ (თანხა ციფრობრივად და სიტყვიერად) _____ ლარის სრულად ჩარიცხვისთანავე.

*გარანტიის მოქმედების ვადა არის: _____ (კონკრეტული თარიღი) შესაბამისად წინამდებარე გარანტია მოქმედებს აღნიშნული თარიღის ჩათვლით. აღნიშნულიდან გამომდინარე ნებისმიერი თხოვნა ან პრეტენზია, გარანტის მიერ მიღებულ უნდა იყოს საბანკო გარანტიის ვადის გასვლამდე შემდეგ მისამართზე: _____ (ბანკის დასახელება/ფილიალი, მისამართი)

მოთხოვნა ანაზღაურებაზე ბენეფიციარის მიერ წარმოდგენილ უნდა იქნეს ხელმოწერილი უფლებამოსილი პირის მიერ და ბეჭდით დადასტურებული წერილობითი ფორმით, სადაც მითითებული იქნება მოთხოვნილი თანხა, ციფრობრივად და სიტყვიერად.

საგარანტიო თანხა მცირდება: ა) ბენეფიციარის მიერ გარანტის სახელზე წერილობითი შეტყობინების საფუძველზე, გარანტის ფარგლებში შესამცირებელი თანხის მითითებით; ბ) გარანტის მიერ გარანტიის ფარგლებში გადახდილი თანხების ოდენობით.

საბანკო გარანტია ავტომატურად უქმდება

- საბანკო გარანტიის ვადის გასვლით
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმისა და საბანკო გარანტიის ორიგინალის გარანტისათვის დაბრუნებისას.

გარანტების ხელმოწერა და ბეჭედი

წინამდებარე გარანტიის მოქმედების ვადა 30 კალენდარული დღით უნდა აღემატებოდეს ხელშეკრულებით გათვალისწინებული სამუშაოების სრული მოცულობით დასრულების ვადას.

დანართი №8 - ხელშეკრულების შესრულების საგარანტიო უზრუნველყოფა

უპირობო და გამოუთხოვადი საბანკო გარანტია

ნიმუში

გარანტი: -----
(გარანტიის გამცემი ბანკის დასახელება)

პრინციპალი: -----
(მიმწოდებლის დასახელება)

ბენეფიციარი: სს „საქართველოს ნავთობისა და გაზის კორპორაცია“ (შემსყიდველი)

ტენდერის უნიკალური ნომერი: № SPA -----

სატენდერო წინადადების შესაბამისად, იკისრა ვალდებულება შემსყიდველის სასარგებლოდ წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე,

ზემოხსენებულის გათვალისწინებით, ჩვენ ვიძლევიტ გარანტიას, რომ შემსყიდველის მიერ პირველივე მოთხოვნის განხორციელების შემთხვევაში უპირობოდ და გამოუთხოვადად, ყოველგვარი წინააღმდეგობის, სასამართლო გადაწყვეტილებისა და მიმწოდებლის თანხმობის გარეშე შემსყიდველის უფლებამოსილი პირის მიერ ხელმოწერილი და დადასტურებული პირველივე წერილობით მოთხოვნის მიღებიდან 5 კალენდარული დღის ვადაში აუნაზღაურებთ შემსყიდველს/ბენეფიციარს თანხას ოდენობით. შემსყიდველის მიერ გაგზავნილი წერილობითი მოთხოვნაში მითითებული უნდა იყოს თანხის ოდენობა ციფრობრივად და სიტყვიერად და მითითება რომ მიმწოდებელმა დაარღვია ხელშეკრულებით ნაკისრი ვალდებულება, ამასთან არ არის უფლებამოსილი შეამოწმოს ან/და შემსყიდველს მოსთხოვოს მიმწოდებლის/ პრინციპალის მიერ ხელშეკრულებით ნაკისრი ვალდებულებების დარღვევის დამტკიცება.

წინამდებარე გარანტიით ბანკის (დასახელება) მიერ ნაკისრი ვალდებულება გრძელდება მდე, შესაბამისად ნებისმიერი თხოვნა ან პრეტენზია, წარმოდგენულ უნდა იქნეს ზემოხსენებული საბანკო ვადის გასვლამდე.
(ბანკის დასახელება და მისამართი)

საბანკო გარანტია ავტომატურად უქმდება

- საბანკო გარანტიის ვადის გასვლით.
- ბენეფიციარის მიერ გარანტიიდან გამომდინარე თავის უფლებებზე წერილობით უარის თქმისა და საბანკო გარანტიის ორიგინალის გარანტისათვის დაბრუნებისას.

გარანტების ხელმოწერა და ბეჭედი

წინამდებარე გარანტიის მოქმედების ვადა 13 თვით უნდა აღმატებოდეს ხელშეკრულებით გათვალისწინებული სამუშაოს შესრულების საბოლოო ვადას.